



聖宋名賢五百家播芳大全文粹卷六中

謝表

遷秩

謝南郊加恩表

歐陽永叔

紫壇高峙式薦於精禋皇澤霽流推行於大慶祇膺寵數  
伏切兢榮中謝伏惟皇帝陛下出震膺期繼文興治百  
度講明於新政群生涵泳於至和乃考舊章聿思報本謂  
三歲一郊之禮必舉以時俾四海九州之人並受其福遂  
因景至躬款陽丘萬國充庭其誰敢後六卿聯事各以其  
官而臣職忝頌條位拘守土執豆蓬而祇役罔獲施勞逮

輝翟之餽餘遽蒙均惠無功受賞莫遑俯偃之辭盡瘁事  
君惟誓糜捐之効

謝南郊加恩表

王介甫

解澤旁流明綸俯被永惟叨昧深以兢榮中謝竊以時郊  
立之承所以尊上帝疇官邑之賜所以富善人盛福靡專  
至恩惟稱臣父塵要近上累明時方玉輅之親祠以銅符  
而外守逮均休寵例獲褒加此蓋伏遇 皇帝陛下以平  
施於萬方无遐遺之一物矧蒙圖任之舊特荷獎知之深  
祇服訓辭敢忘報禮

謝南郊加恩表

蘇子由

元祀告成靈睨昭答推廣乾坤之施普霑臣子之私願惟  
何旁竊冒斯寵中謝伏惟太皇太后陛下母儀三世坤  
載四方享天下之養而非以厚其身攬天下之務而非以  
私其族培附帝業保佑神孫譬如農夫之耒耜耜以俟  
其長玉人之作器琢磨而望其成厲之以講學之勤示之  
以聽斷之敏導之事天而天錫之福訓之祀地而地應以  
和凡下民所以知戴吾君皆東朝有以啟迪其意如臣等  
輦絕企光塵雖復因時以舉儀祇令以從事參備羽衛進  
執豆籩豈有勞能坐被光寵此蓋伏遇 太皇太后  
陛下因朕膳之餘慶錄左右之微功以謂承天之休不可

以專享及物之惠不嫌於過優致此誤恩首沾近列辭避  
无所寢興莫違

謝南郊加恩表

汪彥章

禮洽中天慶覃外服猥奉十行之詔就加五等之封中謝  
伏念臣積冒恩私浸踰分願昨設閑於異縣蒙起發於偏  
城久客還家方憇南飛之鵠通侯授印忽成左顧之龜雖  
滲漉以惟均何遭逢之獨異茲蓋伏遇 皇帝陛下調御  
萬類藩飾群土屬宣室之受釐罄寰區而蒙福臣適臨本  
部仍作鄉州宋人泮泮以得封望胡及此漢將銀黃而誇  
里采乃過之寵既遠於子孫忠敢移於生死

謝南郊加恩表

秦少游

宗祀以配上帝盛禮載陳大封而錫善人彛章具舉寵靈  
誤逮媿懼交深中謝伏念臣學術本迂器能素拙徒屬休  
明之運獲參英俊之游發金匱石室之藏討論何補永神  
州赤縣之乏瘵曠偶迹晚自喉舌之司亟更管轄之任辱  
甄收之已過知報稱之尤難比出近藩猶通祕藉會考我  
時之頌頌稽公玉之圖路寢爰開總章斯寓消季秋而精  
享肅群后以駿奔熙事備成既盡情文之典湛恩汪濊遂  
周中外之臣曾是孤蹤亦膺殊祉崇勲具進真食驟增奉  
綸詔以凌兢仰雲天而隕越此蓋伏遇 皇帝陛下天仁

王冒海德已誣尚記蠢愚嘗陪於國論更憐衰晚方守於  
郡章俾異教之併加示純禧之均昇甘泉緬邈難望屬車  
之塵清都邃嚴徒想鈞天之奏

謝明堂加恩表

祇帝合宮穆神休之如在施仁寓縣藹民氣以為春預陪  
冕黻之嚴均被勳封之錫中謝伏念臣自參機政寢歷歲  
時任重為憂寵至是戒高明日運徒知聖德之不遲忠樸  
慮殫滋愧王功之無補逮總章之親祀肅群辟之具來玉  
軌未馳兩光驅而警道黃流既裸日純耀以排氛仰惟信  
順之所章此豈贊襄之可及已告成於釐事肆大眷於寰  
中衍食封駢休咨寵此蓋伏遇 皇帝陛下孝慈致治精  
稷格幽跡其始基固可效天而法地惟諸極至自當減五  
而登三澤無一物之不加惠始近臣而下逮未知報禮祇  
有捐軀

及第

館職

謝狀元及第表代

汪彥章

襲慶璇源幸備維城之列陞榮桂籍俄先入彀之英廣陞  
盧傳諸儒環視共欣千載之嘉會親值一人之至公中謝  
嘗謂朝廷設科目以致英豪學者用文章而收富貴故自  
布韋之士有終身鉛槧之間既登鴈塔之標題至此龍門

之變化豈有恩隆於帝胄更令名玷於賢書班聯玉笋之  
華光動金枝之秀由聖德曲成於小大人材無間於親疎  
慮汨沒於膏梁特甄陶于翰墨肆聖淵問猥及彝蹤仰漸  
聖化之深雖能僅綴俯揆天資之陋終覩無奇甫上奏篇  
遽塵珠等鵬繫天潢之浪鶯遷帝苑之春茲蓋伏遇

皇帝陛下長育群才并包衆甫謂秦之士賤由先王教養  
之衰方周以宗強且近屬獎成之急儻不俯同於寒俊孰  
為自致於亨衢昔慚假寵於分茅今喜成名於拾芥繫君  
父義方之素致邦家儒術之尊臣敢不敦尚詩書勉思忠  
孝既與在廷之多士同值文興將領就傳之百男悉從隗始

謝狀元及地啓

趙 莊叔

君門九重入奉臨軒之間愚者千慮誤叨絕等之恩非臣  
踈虞所克負荷中謝伏念臣才質迂下學問空虚驟起草  
萊不識朝廷之忌諱輕獻狂瞽蓋本忠義之激昂敢期一  
日之間辱在多士之首此蓋伏遇 皇帝陛下文武天縱  
輝光日新方恢中興之功不求匹夫之備謂臣言語之雖  
拙察臣志趣之非邪特畀殊科以主正論臣敢不洗濯素  
志益勵前修思重丘山敢自榮而僥倖身輕絲髮寧有憚  
於糜捐

謝賜弟安國及弟表

王 介甫

雋乂之求外覃草野龍光之施首逮門庭中謝竊以躬國  
論聽斷之煩而察知孤遠之行略門資貢舉之法而拔取  
滯淹之才山林之所誦說而難遭閭巷之所驚嗟而罕見  
伏惟 皇帝陛下協德穹昊比明羲和溥臨四方洞照萬  
物如臣同產為世畸人少遭閔凶自奮寒苦雖力行強學  
粗有時名而少偶寡徒機絕榮望豈期聖聽俯及幽潛遂  
使窮途坐階華寵獎以詔書而試藝賜之科第而命官祿  
不逮親既永乖於養志仕非為已當共誓於捐軀

謝弟安國得館職表

王介甫

書林置職萬儲高位之材詔板推恩遂假私門之寵在於

疵賤實以競慙臣中謝伏念臣初起孤生非謀膺仕中參  
近侍特荷先朝屬憂患之相仍分湮淪而自弃敢圖收召  
俯暨幽潛服在臣鄰驟冠論思之列恩加子弟具膺慶賞  
之延有冒昧於殊私或超踰於常法惟數竒之同產嘗義  
困於稠人第冊西垣比前叨於睿獎校文東觀更曲被於  
明揚此蓋伏遇 皇帝陛下與善無方便能以類欵阜成  
於大治務博取於衆材遂忘形迹之嫌以溥龍光之施衰  
宗既亢唯知上報之難小已易盈彌懼先顛之疾

加贈 任子

謝太師加贈表

張敬夫

日月昭回燭孤忠於既沒風雷鼓動詔卹典於無窮藐然  
惟孤重以隕涕中謝伏念先臣早趨列著即值多艱痛陵  
廟之莫扶嘆簪紳之自保以為寇讎若此豈臣子之遑安  
義理所存何利害之足計會真人之勃起先百辟以駁奔  
奉命於危機洶湧之秋投驅於衆難紛紜之際以至進登  
揆路盡護戎車不憂醜虜之方張惟懼人心之不正炳若  
丹青之誓率茲編素之師雖蒙神聖之深知亦致姦邪之  
橫疾擯昼炎服中逾二紀之更敢意餘齡復際重明之運  
竊窺睿蘊思復祖疆願畢効於精誠冀平清於氣稜而割  
地奉讎之論起合黨締交之謀深修邊備則指為費財講

武功則目為生事妄擬偷安於歲月曾微却願於興衰非  
惟沮先臣之為賢乃傷陛下之志鏤金成市卒賴保全易  
箚餘哀空存感慨悵歷時之寢久忽當饋以興思中旨顯  
效褒章具舉既極上公之貴復稽節惠之文人知忠義之  
榮莫不競勸士喜是非之定少緩私憂固將垂訓於邦家  
豈但增光於泉壤此蓋伏遇 皇帝陛下勤儉法禹聰明  
繼堯緯武經文不慙於宗祏彰善癉惡允若於天心敷揚  
舊勲表厲在服誦溫言之曲盡仰至意之旁乎臣猥以承  
家極茲追慕奉牲以告知神理之來歆聚族而謀念上恩  
之曷報惟慕先臣之許國力圖後日之殞身



謝任子表代魏王

呂伯恭

列第環宮方極奉承之樂周廬設衛載延似續之榮  
觀瞻凌競佩戴竊以東平諸子印猶限於能趨魯國  
五名類僅稱於同物疇若軍龐恩於襁褓矧惟錫美  
稱於冕旒此蓋伏遇皇帝陛下高視穆清游心昭曠  
巍巍蕩蕩共瞻太極之尊繼繼承承爰篤曾孫之慶  
願訓成於幼學用克對於鳴私

謝任子表代

溫清承顏慈極夙成於椒屋焜煌發命光風初轉於  
蘭芽吉語甫傳微躬載惕竊以元氣兩儀之運資始  
資生天枝

四葉之祥以嗣以續慶流繁衍爵及攜持此蓋伏遇

壽聖太上皇后殿下德冠河洲化孚宮闈周邦胥喜  
惠既篤於曾孫晉錫用蕃福本承於王母願益聞於  
蒙昧庶仰答於坤元

謝任子表

宋子京

聖澤下頒詔給有煥慶叢闈闡光動里閭中謝伏念  
臣退跡煢煢餘年種種尚叨儲傳之秩許懷家巷之  
安養且有仁德將焉謝近緣誕聖之節更陳延賞之  
求伏蒙

皇帝陛下大度包荒至慈及物甫從人欲即霑臺恩  
孝治方隆許及宗親之末衰容無狀更流枝葉之榮  
揣分既逾

糜軀曷報

謫降叙復

起復

謝降官表代

晁之道

職在撫綏事當備預弗謹授衣之令仍誓奠賈之期合即  
嚴誅止從貶秩厚恩莫報感涕徒揮中謝伏念臣稟資甚  
愚涉學至淺但期立事初不為名適濟明時遂參法從往  
再塵於重鎮思勉効於寸長旅力既憊智能又寡昧詔條  
丁寧之訓忘將士鞭瘡之虞辜負使令一至於此思非罪  
戾胡可勝言保身實恃於好生竊食尚叨於逸老此蓋伏  
遇 皇帝陛下至仁廣覆惠澤旁流俯矜不逮之愚曲示  
惟輕之典病瞻天日弥懷頌影之慙老死丘園終負累尸  
之志

謝罷給事中表

胡文定

伏覩臣寮上言以臣不合辭免恩命乞賜黜責為人臣之  
戒奉 聖旨前降給事中指揮更不施行者宿疹沉綿稽  
違成命巧詞彈擊寢罷新除威逼在顏感深銘腑中謝伏  
念臣稟資至陋得數多竒徒險阻之備嘗未悔尤之能寡  
早年擢第歷仕四朝晚歲蒙休叨官二省值強虜憑陵之  
際輸從猷納之規頻觸權豪坐貽澄斥間闕千里慘淡百  
憂但驚疾病之益侵豈復恩榮之敢覲寶圖有永神武中

興得人欲濟於艱難取士不遺於羈散召自荆扉之陋超  
居鎖闥之華劔佩相磨風雲初合自嗟薄命獨負危疴恐  
顛踣於道塗遂傾祈於旒宸未回陰渥已噴煩言假如侶  
楚澤之蟲蛇託生蝸舍孰若綴周行之鴛鴦平秦鸞臺身  
陪鳴玉之班晉束橫金之賜本非失性素不病狂忍千慢  
令之刑乃要流俗之譽毀深銷骨自昔興嗟德大包荒于  
今為幸伏遇 皇帝陛下克仁天覆湯聖日躋廣施雨露  
之恩特霽雷霆之怒俯憐孤跡免真大臣敢不念必知非  
動思觀過處衡茅而守約勤藥石以扶衰謂不謹前益當  
善後廢而可起儻溝壑之未填志或稍伸莫消埃之能效

謝謫黃州監酒表

張文潛

矜其多病祿之仙聖之祠誅其積愆斥之筦榷之任雷霆  
既震蝼蟻曷逃罪大責輕感深涕墮中謝伏念臣粗親翰  
墨篤好文詞曾未窺其藩墻妄見稱於流輩浸蒙寵祿頗  
躡等夷久離中秘之選書與記漢家之故事入符帷幄曾  
未歲時而疾病侵凌精神疲耗一倅螭陛兩換虎符茂聞  
報政之能徒幸養痾之便投閑置散於分為且號寒啼飢  
其窮已甚方大明於淑慝固無道於誅夷唯是齊安近在  
淮右雖薄加於黜削乃猶即夫便安非大明之燭幽頑微  
生之何恃此蓋伏遇 皇帝陛下至仁溥及盛德好生謂

刑以正邪用之初非獲已而罪非極惡議之必傳惟輕遂致夙愆猶逃大戮臣敢不改心思過擇地圖新駕馬已疲父息鏘鸞之望秋葵未殞常傾向日之心苟一介之有思終九死而無悔

謝謫南京通判表

晁 无咎

小已下僚昧於職守盛時公議特此貸全未使廢閑猶叨安便媿深汗溢感極涕橫中謝伏念臣家世凋零在朝廷者無幾人材闡茸所學問者又非猥迫寒饑出營仕進本自安於常調固絕望於亨塗庶幾孤愚不越分量而偶弼臣之一薦濫文館者十年初無毫毛得被驅策徒累資任

以致麾符臣自揣思又當顛沛加以祚薄多故器小易盈下能恪居於其官遂使咎生於所忽幸仁聖矜其如此故迂踈尚以并容第解郡章旋霑祿食將母之幸於臣已多德大施隆身微命賤成遂莫悔啓處若驚共惟 皇帝陛下明目達聰與人為善畢修祖宗之舊政遍攬中外之英才建官惟賢宥過無大雖憑生之蝼蟻亦蒙賴於乾坤臣敢不謹畏自新忠誠內誓念洗心以償罪謹既負負無可言思發憤以赴功名又區區不足道報思無所避首為期

謝謫兗州通判表

咎悔難追一更寒暑嫌疑自列敢憚道塗再服寬恩重增

感涕中謝伏念臣粗知學問本乏材能仕豈為貧慙居卑  
之亦分家雖積善傷餘慶之已微嘗念居不可以求安福  
孰先於無禍故六年迂徙甘嘗困於米鹽而群從凋零祇  
自憐其形影未敢當江湖飛集之數何足掛朝廷論議之  
間每歛宥過無大之仁則思見危致命之義未試以事孰  
明此心諒與釜之已多誠挈瓶之何有但知揣已皆是踰  
涯恭惟皇帝陛下惟時憲天常善救物稽先朝之美意  
與治古以同興謂蕩蕩民無能名佑啓我以正故業業日  
致其孝繼序思下忘蓋欲得萬國之歡心足以劔五福而  
敷錫雖甚微鄙不終棄捐重念臣頃迫養親又從補外昨  
由公坐得謹止以佐官連書亦既累年實更三赦事雖自  
致情則無它庶省循苟免於人非或湧洗稍容於國是犬  
馬能報况服冠裾櫛櫟無堪猶尺燔燎終自知其死所不  
敢愛於身死

謝謫知滄州表

李成季

禮官失職甘俟嚴誅邊壘折符尚叨優寄以不可貸之罪  
蒙非所望之恩驚寃既還零涕無已中謝伏念臣迂踈無  
取選輒不持惟知任物以直情不患周身而避患每事必  
問已失仲尼之前知三思乃行終違文子之常誠一昨奉  
太母因山之制謹百官趨事之期夙有司存各以類舉逮

壽宮之易奠道虞主以告行竟達空函幾敗乃事既身為  
之官守反自關於禮文仰誤神靈之依中櫻仁孝之感過  
莫大者誰其歸之固當戮以市朝可復付之民社眷浮陽  
之封壤控北虜之喉襟澤浸際天雖馬牛之弗及風聲厲  
耳實鷄犬之相聞宜得望人以壯方面敦詩閱禮鎮以靜  
安緩帶輕裘應之閑暇况乃大河泛溢之後一方饑窘之  
餘必先謹養以惠和尤在周知其疾苦如臣孱暗非所克  
堪伏遇 皇帝陛下天地同仁日月齊照澤及行葦每思  
視物以如傷網漏吞舟不忍向隅之獨泣聊褫官而示罰  
猶守土以長人臣敢不砥節奉公肅心悔過盡為臣之道

於事無難推愛國之心以民為本誓殫夙夜少補毫分觀  
海知瀾宛隔蓬丘之望舉頭見日長存魏闕之心

謝謫定州通判表

衆惡必察宜即嚴誅罪疑惟輕止從薄責袞袞誤登於臺  
省漂漂復返於江湖中謝伏念臣家世故寒材能特陋竊  
慕古人之力學偶陪多士以進身編蠹簡之十年最為推  
鈍隸鸞臺之一月俄致顛隕由非才冒處於必爭故公論  
不容於交繫猥煩簡札有玷簪紳尚依魚稻之鄉獲近枌  
榆之壤若非洪造豈有餘生茲蓋伏遇 皇帝陛下博採  
智能疏觀情實謂虛船觸舟而褊心不怒雖以無他然疆

駑射市而薄命先遭莫非自取姑捐稍廩使活妻駑臣敢  
不仰佩訓懲俯深循省日嬰簿領甘為俗吏之沉迷坐置  
銘詩誓復平生之玷缺

謝降官表

罪大恩寬言者未厭官高德薄法所不容尚領真祠實出  
寬憲中謝伏念臣早塵近列無補明時下則拙於身謀上  
則闇於國躰先朝矜其愚陋宥以遐荒前後七年浮沉萬  
死偶真人之御歷敷大號以惟新普復舊官亟叨厚祿然  
臣年迫衰暮知復何為身利退藏顧未敢請因循於此龜  
勉自慙雖復造削者五官仍且獲安於閑局涵恩至厚為  
幸已多此蓋伏遇 皇帝陛下以堯舜之仁行成康之政  
衷未忘於舊物恩許畢其餘生臣謹當杜門躬耕沒齒蔬  
食知生成之難報姑靜默以待終

謝降官表

李 成季

臣某言八月二十二日都進奏院遞到告一道特降授承  
議郎差遣勳賜如故臣尋跪授訖禮官被黜方在退思勅  
局示懲止從薄責重干文憲疊負釁玼撫已奚慙感恩零  
涕中謝伏念臣斷斷不敏碌碌何知初無竒警以動人每  
以踈愚而取禍詩禮之訓切則嘗聞刑名之書素所未學  
偶預都司之進擢適當常憲之變更宰府付以官寮惟命

所赴法吏摘其帑尾謂可則書文既失於舊章罪寧逃於  
顯戮止從貶秩尚玷承流雖天地無所不容而犬馬何以  
為報此蓋伏遇 皇帝陛下聰明睿智以獨斷慶賞刑威  
之必行遵制揚功永懷善繼亂名改作先務謹誅謂使人  
知過則能盡其忠故用罰以寬而終歸於恕臣敢不省身  
夙夜砥節事功知無不為庶竭事君之義死而後已益堅  
報國之心

謝出籍表

滌瑕蕩穢共承雨露之霑濡振衣彈冠莫知手足之扞蹈  
追惟前日感涕厚恩中謝伏念臣生也有時仕而無學習  
識非遠議論甚卑每慚事往而知非不悟才疎而多累兩  
千吏議三馬宮祠額白不可以適河猶叨恭養惟弊或堪  
於羃馬未即弃捐間者上帝降康天祇薦瑞備成寶刻均  
福蒸民敢期負累之餘生亦預竄名於載籍此蓋伏遇  
皇帝陛下愛人無已視物如傷賞罰之公時乃天道予奪  
之節本於人情謂法以示懲既已屢更其歲月過而必改  
誰將自棄於君親曲示亟蒙一從瀚扶而臣計功無收蹈  
悔良多載省始終莫酬萬一蓋嘗喻父老以戴上之美意  
教子弟以事君之小心長歌天保之六章百拜封人之三  
祝雲天在望但知傾日以為心溝壑未填尚冀殺身而報



國

謝復官表

晁之道

曩緣失職稍削文階今載誤恩悉還舊物徒揮感涕載激  
懦衷中謝伏念臣陳力無堪叨榮有覲惟關陝轉輸之任  
號為至繁頌江湖樗散之姿且其弗稱果緣曠敗自速謹  
訶深惟萬化之曲成不以一青而遽去仰蒙全度猶玷驅  
馳曾未蓋於前愆忽戴叨於新渥捫心增悸被寵愈驚此  
蓋伏遇 皇帝陛下盛德好生至仁善貸吳穹報况有三  
靈之薦釐德澤旁流無一物之失所肆容庇賤亦玷恩榮  
臣敢不早夜以思造次於是息黥補劓已深愧於生成効  
命捐軀尚冀收於尺寸

謝復官表

陳瑩中

天慈廣大筆詔均平靡容纖介之私遂成普博之施恩光  
曲逮感涕橫流伏念臣稟質下愚積習迷謬屢竄皆由於  
自取百非難道於人言螻蟻何知身玷堯天之大鷦鷯未  
殞命餘湯網之寬詭詭危蹤栖蓬莫景方省循於既往豈  
叙復之敢期今頓釋於乂羈實大踰於初望此蓋伏遇  
皇帝陛下乾行剴健離照融明泯異轍之多歧會衆流於  
一海此疆爾界齊成大有之年古律今聲合奏太平之曲  
致朽株之蒙潤由沛澤之不徧簪緩難勝但益履冰之懼

筋骸已憊莫酬肉骨之恩志常效於傾葵誓敢忘於結草  
謝復官表  
李成季

天地既交適契施生之序雷雨方作悉霑曠蕩之恩歸復  
官資洗除罪戾莫知手舞但極涕零中謝伏念臣材非過  
人學不知道濫登仕版誤置書林必有可觀未始錚錚而  
驚世終無他異但能碌碌以同塵建躡省闈遽參宰屬偶  
官僚之有請謂國憲之當更初無預於講論漫不思其抵  
謬罪同破律議在謹誅止鐫階秩之微聊殿籍書之末豈  
謂矜前車之既失開局步於自新川澤納汙一歸曠度父  
母愛子皆出至情此蓋伏遇 皇帝陛下克性生知舜聰

遠格庶事憂勤而協帝小心寅畏以事天常善救人恐匹  
夫之失所為能盡物期一視以同仁曾是孤生亦蒙盛澤  
併還舊物復領真祠官守不出於田廬家殫盡資於廩粟  
葵藿之心常在終幸照臨犬馬之力已衰空慚恭養一無  
裨報獨負生成雖已寢於桑榆願未填於溝壑猶能中田  
擊壤日陪野老之歡聲清夜焚香每効封人之善祝

謝復職表

晁之道

肇新盛禮敷錫湛恩願雖已廢之蹤均建更新之澤職還  
書殿恩假祠宮曲被寵靈交揮感涕中謝伏念臣學非自  
得愚仍不移早邁休嘉備蒙識拔中罹憂患荐至顛躋屢

見收於罪戾之餘迄無取於毫釐之効逮茲屏伏益悟竒窮災疾相仍寢闋歲時之晚雲霄已邈敢希雨露之私忽此叨逢實逾願望此蓋伏遇 皇帝陛下逆釐神物均福海隅政用包荒施不忘遠致茲孤陋亦玷登庸竊食丘園深愧可陳之力傾心天日永懷未報之恩

謝落致仕表

胡文定

蒲柳早衰難待引年之禮絲綸垂獎遽叨復仕之恩拜命知榮省躬增場中謝伏念臣本由質陋亦因數竒少也收科謂功名之可必壯而就養覺心事之多違既辜啜菽之歡仍抱采薪之戚欲影纓而弗遂因歛轡以言歸江海飛

鳧不為加少蓬蒿息鷄豈曰知還交遊莫記於寒溫形影相忘於贈答縱寧夜氣終歎前修敢圖藪澤之蹤猶動冕旒之聽此蓋伏遇 皇帝陛下量兼覆載智燭隱微躡萬物以同仁張四維而礪俗廣振混淪之士用彰靖退之規誤及迂愚曲加褒勉而臣衛生素拙嬰疹未蠲念丹赤之欲輸恨筋骸之難強步趨緩縱目視昏花一壑風煙甘作養疴之地五雲觀闕空懷拱極之心

謝起復知越州表

王 豐父

起於苦塊付以麾符聖主異恩小臣難報中謝伏念臣衰遲最質憂患餘生方待盡於倚廬遽疏榮於分閫屢陳哀

懇仰扣聽聞靡回從欲之仁特下發中之詔深惟小已曷  
稱殊私屬文陛之對揚奉邃旒之清問念前朝輔相之久  
無易先臣助一時制作之功尤憐舊績記嘉祐受遺之事  
暨元豐定策之勲肆宸筆之一揮破讒言於萬古金杯賜  
第玉篆題碑盡還他日之遺榮皆出至神之獨斷茲蓋伏  
遇 皇帝陛下舜躬聰哲湯德寬仁節室又幽輝之日采  
霜黃既槁振以春華重念臣昔歲奉親分符承乏湖山再  
覩唯觸目以增悲父老重迎咸稽顙而太息鞭笞靡用獄  
訟頓清永念不忘之恩既踰高厚將伸款報之德敢憚糜  
捐

聖宋名賢五百家播芳大全文粹卷第六中

聖宋名賢五百家播芳大全文粹卷六下

謝表

宮觀 侍養

謝宮祠表

周 丞相

用踰其分宜咈民瞻詔許其歸尚切祠秩思與天而為大  
感無地以寄言臣中謝伏念臣猥以妄人生逢昭代不自  
量其才力乃過竊以寵榮又合投閑夙嘗控請屬飛龍之  
聖作疇不歸心雖老馬之力疲詎忘戀主少需三月方敢  
一言誤蒙英睿之知優假弼諧之禮王人疊至親札下放

凡可示於留行已畢全於故實逮清議弗容之際猶隆私  
未替之初內揆冥頑仰幸造化茲蓋伏遇 皇帝陛下待  
人以恕馭下惟公念臣早侍元良徐致保全之意知臣自  
貽衆怒難專予奪之私聽諱湘水之麾俾領祥源之使擢  
髮不足以數愚臣之罪捐驅不足以酬聖主之仁惟憑香  
火之緣上祝乾坤之素

謝宮祠表

王 信

杜門省咎分安田里之居出綽疏恩叨賦祠庭之稟眷絲  
宸念感極愚衷臣中謝伏念臣奮自諸生幸逢昭代粵從  
乾道淳熙之際誤蒙 壽皇聖帝之知擢寘周行屢更歲

瑄郎曹宰掾戎監頌臺海陪陵域之游旋冒禁塗之選惟  
知職守敢為身謀曲荷保全第從免去不謂英主飛龍之  
始乃記微臣如蟻之蹤茲蓋伏遇 皇帝陛下睿哲自天  
聰明協帝方紹休於帝統首垂意於人材竊觀播告之新  
每及論思之舊初覃霈渥杖拭之澤優嗣拜詔音咨詢之  
旨切顧如庸瑣弗忍棄捐獨於旬浹之間被此塵光之厚  
臣敢不益堅素履仰答鴻私小噐易盈姑竊斗弁之活大  
恩難報敢忘畎畝之忠

謝宮祠表

鄭 丙

引年謝事將懲不職之愆優老子祠尚竊無功之祿恩怙

至矣報稱謂何臣中謝伏念臣稟資至愚謀身甚拙勤勞  
書癖惟五三六經之傳奔走塵容殆四十五年之久心勤  
形瘵齒豁頭童念當休影以處休且欲息黥而補劓祈上  
遷於官政庶終於天年聖度兼容俞音尚闕於其衰晚畀  
以殄臺祿足以代其耕遂免啼饑之患食烏而怠其事難  
逃尸素之譏茲蓋伏遇 皇帝陛下智燭旁昭仁天廣覆  
方萬物之咸覩無一夫之或遺烏不牧而烏啄瘡曲加軫  
念鹿自走而庖湏肉俾免憂疑推此橫恩全其末路臣敢  
不佩韋自戒吞舌知非友麋鹿侶魚蝦自適優游之願先  
狗馬填溝壑敢忘報効之私

謝宮祠表

王信

奉香火之緣雖愚臣之舊物拜絲綸之寵實聖主之新恩  
載省妾庸倍增荷懼臣中謝伏念臣稟姿踈拙際運休明  
比切兩省之聯寢歷五年之久知竭忠而報上敢避怨以  
謀身退道謹何分甘閑散恭惟初政省記孤蹤方竊祿於  
祠庭旋叨榮於邊閩正虞弗稱乃得母行茲再被於俞音  
俾復霑於溥惠廩人繼粟庖人繼肉深愧罔功饑者得食  
寒者得衣若為報德茲蓋伏遇 皇帝陛下 熙萬化愛  
惜群材苟非甚無用之人常軫不忍棄之念謂臣駑鈍亦  
世消塵收其尺寸之長活以斗升之養臣敢不勉安厥守

思答所蒙第慮微軀未免月費歲糜之誚尚堅晚節以酬  
天施地生之恩臣無任

謝宮觀表

胡文定

懇誠上瀆懼獲嚴何隆旨下頒許從私願驚魂稍定厚德  
難忘中謝伏念臣資稟冥頑平生騎蹇頃叨綸掖不敢誤  
朝數犯權臣遂令去國孤忠莫効宿疹頓侵胡馬猖狂痛  
山河之失險漢儀照耀幸神武之中興召自柴門超居鎖  
闥與消川謗免中駭機復降袞褒延登要路湛恩稠疊盍  
糜殞以為期弱體尪殘恨欽承而弗獲遠趨行闕恭俟俞  
音持荷天慈俾安祠館此蓋伏遇 皇帝陛下乾坤合德

日月齊明假病木之濃滋委覆盆之餘照俾霑餼廩不蹈  
風霜憑伏寵靈雖迫摧頽之景精勤藥石更圖補報之方

謝宮觀表

晁之道

阜財無術省已多愆尚汙琳館之優除益載皇慈之曲被  
橫流涕泗深腆面頰中謝伏念臣愚不自量妄嘗有志寧  
殺身而徇主不營私而為名乃以一芥么微之下才而當  
九府夥繁之劇任特逢睿寵殊異輦流固已懼於顛躋蓋  
又隘其分量非主張之有素已竄強之是加為屈公言止  
從薄責坐糜廩祿俾色養之弗違盡脫憂虞冀沉痾之遂  
息併諧僥冒更極驚慙此蓋伏遇 皇帝陛下格天溥臨

如日徧照示之罰而使知過加之恕而弗忍誅致庶政之  
惟和靡一夫之失所乃如庇賤亦在哀矜臣敢不內訟往  
愆仰思明訓覬獲收之末路誓必踐於初心儻九死之可  
酬豈餘生之敢惜

謝宮觀表

晁之道

沉痾載塗已甘殞越凌兢俟命亟荷允俞罪大恩深慙多  
感涕中謝伏念臣陳力寡薄賦命遭迴溢器局之易盈耳  
災疾之崇降心體俱弊精誠並衰曾不自保於朝昏頽何  
以寄夫民社雖欲強勉非所堪任輒丐領於祠宮庶獲親  
於鑿藥恩施如答枯朽更榮此蓋伏遇 皇帝陛下明察  
幽微仁霑動植曲矜疲瘵欲更安全貪戀明時儻未填於  
溝壑裴回莫齒猶有報於生成

謝宮觀表

張全真

引分投閑寔緣衰病顛天得請仰沐慈憐名參祕殿之清  
職充真祠之秩拜恩優渥撫已兢慚中謝伏念臣稟性至  
愚謀身甚拙早從言責浸冒睿知初無惜助之游談遍歷  
高華之妙選得時則駕豈知富貴之危機直道而行竊慕  
聖賢之往躅奚經綸之小補積尸素之深憂况迫衰殘又  
妨賢路輒伸悃福屢瀆宸旒敢為天明不違人欲許緝榮  
於禁地俾就祿於祠庭雖三徑已荒無復鄉閭之舊業而



一瓢可樂終為聖世之幸民此蓋伏遇 皇帝陛下體徧  
物之堯仁懋勤邦之禹績兼收群策宏濟多難於小大之  
臣各極其器能而進退之禮曲全於躰貌遂令孤藐終獲  
便案繫天蓋地容莫報君親之賜雖山深林密敢忘吠畝  
之忠

謝宮觀表

晁之道

赦蠲罪戾澤被庶工雖在空食亦歸舊秩寵踰其分愧積  
于中臣中謝伏念臣陳力至微叨榮已甚身臥閭里名參  
禁直之華官無事功居享稍食之厚每虞滿溢更速愆尤  
敢期復俾於故階將使再臨於名郡丐安舊職以養沉痾  
亟蒙從欲之恩彌有逢辰之幸此蓋伏遇 皇帝陛下仁  
心天覆德意川流矜此衰殘錫之寵祿和氣所被因收藥  
石之功旅力雖愆猶冀涓塵之効

謝許侍養表

胡文定

瀝懇計私自投誠於君父蒙恩賜可獲供職於庭闈仰報  
矜憐惟知拜舞中謝伏念臣未能自信何所取材濫陪入  
彀之英徒急抱關之祿光陰荏苒蹤跡飄零膳羞多闕於  
旨甘晨夕少諧於定省祇膺嚴命感激愚衷叱馭戒塗夢  
寐碧鷄之佳境牽衣結戀徘徊烏鵲之深情矧當喜懼之  
年深計短長之日臣而留令無所逃誅子或委親亦將安

用况鮮友恭之助已驚血氣之衰因露悃悃冒干旒袞幸  
迓嚴謹仰奉俞音伏遇 皇帝陛下孝通神明德配高厚  
崇八行之舉於以明倫凡一物之微悉皆得所俯念服勤  
之請俾安就養之方施等丘山命輕草芥臣敢不謹當盡  
心明善務本為仁羞菽水以致歡餓腠膚而弗悔學如未  
至更殫早夜之思忠或可移終有糜捐之地

賜詔

傳宣

獎諭

宣召

赦書

謝乞宮祠不允賜詔表

張全真

嬰疾病之友離顛天有請拜訓詞之溫厚踏地難勝恩未  
愬而拔窮感既深而悚墮中謝伏念臣一違軒陛遽閱三

秋數奉絲綸連收兩郡宣布中和之政拊循凋瘵之民期  
德意之遐孚豈勞之敢憚又纏羸疾鼠身已類清漳不任  
劇煩臥閣殆同於東海深虞瘵曠遂露忱誠非敢專圖安  
便之私寔恐上誤使令之意未蒙賜可更假褒榮此蓋伏  
遇 皇帝陛下德大包荒仁深念舊以嘗承乏於帷幄或  
可借重於藩垣故雖衰遲不忍捐棄報乏暮年之政宜即  
謹訶賜均一札之書猥叨勞勉儻未先於溝壑誓仰答於  
乾坤

謝乞宮祠不允賜詔表

張全真

晚境臥痾忱詞屢瀆至仁藏疾溫詔嗣頒恩既渥而言殫

感益深而涕墮中謝伏念臣起自三吳之故里存更兩越  
之名藩意廣才踈心勞政拙顧七閩雖稍遠在諸路為最  
優姦盜謫除民方奠枕兩暢順適歲有積倉使臣自擇以  
居易地豈復加此况於衰謝豈不懷安但以稟氣素孱衛  
生仍拙節宣無術致六沴之陰乘湯劑罔功逮三醫之徧  
謁遂披情赤仰扣穆清庶幾少避劇煩整依羸瘵亦匪車  
為便私之計誠恐自貽曠職之誅豈謂慈憐尚闕俞旨頒  
坦明之帝制申賁孤蹤瞻咫尺之威敢違睿訓茲蓋伏遇  
皇帝陛下堯仁天大湯聖日躋又任以責成功兼容而收  
衆智故雖病瘁不忍弃捐再念臣視息僅保於餘生精爽  
未還於舊觀愧丙少卿之德寧復饗封非汲長孺之賢詎  
能以治終虞瘵敗上玷使令誓殫體國之誠庶幾榻朽而  
摩鈍尚有首丘之志終期置散而投閑

謝乞宮祠不允賜詔表

冒貢忱辭期遂養痾之素志俯頒溫詔猥蒙藏疾之深仁  
假榮便藩撫懷震惕中謝伏念臣名浮於實用過所長二  
府徧更守朴忠而自信三州詳試慚善狀之無聞福既過  
而挺災氣早衰而被病茲睿哲大有為之旦正臣工恩自  
盡之時固將効州縣之微勞庶或佐朝廷之大計心勞跡  
拙欲陳力而不能外疆中乾歎衛生之無術與其坐俟曠

瘵之責曷若亟披烟福之愚乞解麾符庶少親於藥石未  
頌俞旨復申錫於絲綸此蓋伏遇 皇帝陛下廓上聖之  
英姿建中興之偉業雅重牧民之寄不忘记舊之心知臣  
粗歷於藩宣當更責成於攸又謂臣雖嬰於疾恙猶堪臥  
治於平時坦然深厚之辭賁此藐孤之跡疏思既渥况瞻  
咫尺之威避事有嫌且懼再三之瀆欽承睿訓勉竭駑才  
儻後効之可圖豈餘生之足惜

謝詔書宣諭表

張全真

臨遣星軺撫傷痍之遠俗俯頒帝綽形惻怛之溫言仰睿  
渥之東漸騰歡聲之北拱中謝恭惟 皇帝陛下躬禹勤

儉性湯寬仁摠攬權綱體德刑於冬夏巡行方嶽省耕歛  
於春秋頌黎元久困於干戈慮詔令徒施於墻壁深求民  
瘼益固邦基尚憂聖澤之未宣分遣使華而申諭選求時  
望假之憲府以重其事權賜對便朝付以璽書而稽其課  
最欲大蘇於凋瘵期盡掃於煩苛武夫感涕以御恩瘞老  
扶携而觀化臣猥司屏翰繆布教條念久侍清光亦粗知  
於德意坦然明白奉以周旋何止楚王拊三軍而挾纊敢  
師漢吏期千室之鳴絃

謝詔書獎諭表

王 豐父

沃壤千里本睿筭以經營賜札十行辱天褒之優渥鼓鍾

導從父老俱瞻喜動公庭先生私室中謝竊以稽山故國  
鑑水巨湖昔矣渺茫則就其深而瀦水今茲堙塞乃因所  
利以為田仰神考之有為自熙寧而經始幅負幾七百里  
首尾逾五十年浸歷居諸益多高仰與其為強民盜占而  
私已孰若立法制拘利以供官曩緣文陛之對揚親奉遽  
旒之清問欽承密旨來治餘疇悉稟宸謨曾無費於毫髮  
坐興厚利誠有補於倉箱迨此第功獨先假寵祗奉綠綈  
之賜實均華袞之榮茲蓋伏遇 皇帝陛下道冒八該明  
照萬里紹帝勳而高古耕王籍以勸農撫膺周原咸被涵  
濡之澤茫茫禹迹載成經啓之功臣自視疲駑謬當委寄  
既乏居官之可紀又豈有功之足知政愧潁川誤奉褒揚  
之詔情同天保頌歌歸報之詩臣無任

謝詔書獎諭表

張全真

瞽言冒獻瀆已懼於再三聰聽兼容慮不遺於千一肆頌  
溫詔俯賁寒蹤稽首拜恩銘心戴德中謝伏以兇雖狂悖  
挾虜騎以長驅睿主憂勤整戎車而夙駕天威臨赫士氣  
賈餘紛萬旅以爭先哀群策而並用臣頃陪帷幄又備藩  
垣衰蓬蒲柳之姿蹇淺菟菟之論初非言責祝敢意於代  
庖竊歎時危葺靡遑於恤緯輒披烟幅少助詢謀敢謂仰  
契廟謨特刑天獎煥發絲綸之重蔚增簪履之榮此蓋伏

遇 皇帝陛下文即康功湯昭聖武陳師鞠旅捷書屢上  
於甘泉舍已從人訪問每勞於衢室猥加勞勩誤及庸虛  
一札十行不替終始之遇四郊多壘示通遐邇之情臣敢  
不味深厚之訓詞躡躄蓋容之大德老當益壯誓九隕以為  
酬知無不言庶萬分之或補

謝傳宣撫問表

張全真

叨紆郡組未聞襦袴之謠就遣使輶俯賁絲綸之寵吏民  
改觀山水增輝中謝伏念臣夙被簡知又陪嚴近存臨帥  
聞錄屏翰之微勞還付經帷極儒生之榮遇而臣又苦陰  
陽之寇復冒風波之塗力苟就間屢投誠於黼扆曲蒙從  
欲更假寵於藩垣慙德意之未宣辱溫言之遽及此蓋伏  
遇 皇帝陛下天臨寰海子惠臣工愛民務極於撫綏念  
舊加隆於體貌充軫竒孤之迹特頒深厚之辭煖然似春  
載榮蒲柳之質就之如日但傾葵藿之心誓勉効於微勞  
庶仰酬於異眷

謝傳宣撫問表

未能五月而報政方懷尸素之羞仰惟一視而同仁存沐  
撫存之渥使華洎館輿誦載塗豈惟寒陋之增華咸識聖  
明之念舊中謝伏念臣才鍾䟽窳景迫衰殘繼叨剖竹之  
榮雖殫智力數困負薪之疾蔑署事功已荷優容更垂簡

記臨遣王人之重俯傳天語之溫此蓋伏遇 皇帝陛下  
正五事以承天心推赤心而署人腹眷股肱之輔郡德澤  
宜先軫帷幄之近臣寵私未慙每曲形於慰籍以增重於  
觀瞻而臣体方中於沈痾神未還於舊觀固當自力思稱  
所蒙倦鳥知還終冀逝於曠責靈蛇咸報庶或勉於後圖

謝傳宣撫問表

澤國承流蔑著蕃宣之効星軺傳命荐頒深厚之詞仰睿  
眷之有加顧微蹤之豈稱中謝伏念臣猥以凡器早踐要  
津荷黼屨之誤知入陪二府叨未輜之重寄出啟三州志  
大何為性疎寡與毫髮莫聞於補報筋骸屢困於沈綿周  
旋郡舍之幾時絡繹使車之及境溫言甚寵重拜知榮此  
蓋伏遇 皇帝陛下道大兼容智明旁燭憐簪履之舊物  
曾侍燕間錄屏翰之微勞益隆体貌衰遲自省榮懼交并  
雖撫字為勤未有及民之善政而寵光若此敢忘致主之  
初心當益勤於後圖誓無慙於晚節

傳宣撫問表

下車問俗始欲布於寬條來駟經途遽欲頒於溫詔拜恩  
稽首懷感銘心臣中謝伏念臣向蒙特達之知久玷高華  
之選大恩未報已迫衰殘睿睠有加曲垂簡記復界上流  
之重寄敢辨行路之阻修念違睟穆之容未踰月律亟貴

坦明之訓就遣星軺式慰羈孤益隆體貌此蓋伏遇 皇  
帝陛下廓漢高之大度推光武之赤心雨露所濡天何心  
於遠近絲綸之出人自改於觀瞻仰恃寵靈庶逃罪戾儻  
少收於薄効敢自愛於餘生

謝傳宣撫問賜藥表

輟九重之近密俯賁溫言軫三代之炎敲寵頒珍劑恩非  
常擬感溢情涯中謝伏念臣一去闕庭再罹寒暑餘齡時  
晚病骨支離未酬覆載之私每迫陰陽之寇欲逃瘵敗歸  
乘下澤之車敢謂記憐加賜上池之藥此蓋伏遇 皇帝  
陛下坐恢遠畧力致中興在知入在安民不洩適不忘遠

察臣义陪帷幄粗忠樸而无它以臣遠守江湖假威靈而  
增重閱歲華之始半辱使駟之游臨臣敢不勉竭疲篤少  
圖補報俗期無犯田收賣劔之牛病或有瘳身効街環之  
雀

謝傳宣撫問賜藥表

臣某言十二月五日伏蒙 聖恩差入内侍省高班主管  
合同憑由司王錫致府傳宣撫問并賜臣銀合膈茶者臨  
遣星軺速若置郵而傳命俯頒奩劑威無咫尺之違顏登  
受以還兢榮自失中謝伏念臣叨分近輔莫著微勞頽齡  
浸迫於西山况嬰衰疾短景適臨於北陸尤苦祁寒是資



服食之良以禦晦明之沴豈蕭然之枉質特簡在於清衷  
既賁溫言復加珍賜尚方修製靈於紫府之丹御寶緘封  
貯以白金之器王人俯洎父老驩迎此蓋伏遇 皇帝陛  
下居上克明使臣以禮俾盡股肱之力傍全躰貌之誠念  
臣頃參帷幄之籌義同休戚憐臣密備藩垣之寄衆所觀  
瞻特假寵靈以榮觀聽起漳濱之沉瘵指日以須存魏闕  
之精誠戴天知感誓圖九殞仰報萬分

謝傳宣撫問賜藥物表

王介甫

膚使寵辭載華原隰寶奩珍劑加賁丘園臣中謝伏念臣  
少出衡茅晚陪帷幄德輜寄重才淺知深但念里居長負  
丘山之責敢期宸眷尚留簪履之矜此蓋伏遇 皇帝陛  
下天博無疆海壘不棄戴難忘之盛德豈特銘肌撫易盡  
之餘生唯當結草

謝賜詔藥物表

輟宮闈親近之臣臨湖海寬閑之野授之藥物撫以訓辭  
戶厚祿而無勞謂當誅絕捐大恩而不報彌所兢慙臣中  
謝伏念臣出本羈單自甘淪棄晚由朴學上悞聖知智曾  
昧於保身忠每懷於許國譏誣甚巧切憂解免之難危拙  
更安特荷眷憐之至况遠迹又孤之地實適言易間之時  
而離明昭晰於隱微解澤頻繁於踈逖此蓋伏遇 皇帝

陛下以上仁含垢以大智容愚弗使南箕得侈歛揚之狀  
更令北戶坐蒙臨照之光芥然垂盡之病軀泥若橫流之  
感涕惟困窮無理猶致命於一餐顧冒昧不賞敢忘懷於  
九死

謝獎諭表

晁之道

遵奉聖謨繕脩戎備載紆睿獎增激懦衷中謝竊以朔方  
奧區天下重地神考講安邊之策盡古今之所長聖朝廣  
嗣武之聲兼細大而畢舉維是城守之具未完萃聚之功  
親喻德音往圖偉績遂一新於戎器益坐震於天威實惟  
聖制之修明亟獲事功之建立願慙迂拙誤玷寵褒此蓋  
伏遇 皇帝陛下天運沉機日昭獨智務講兵家之上策  
以究聖人之極功兼錄微勞用勸群吏臣敢不勉驅駑蹇  
圖稱使令定止三川荐克就緒惟茲一道方促奏功斯仰  
軀於碩懷誓永堅於忠節

謝獎諭表

晁之道

犴獄屢空皆本克寬之德璽書亟下倍懷非據之慙仰窺  
眩驚俯揆戰慄中謝竊以畿分千里輻湊萬邦雖有趙張  
之才猶艱獄市之寄乃今晷月忽三敬於園扉考中盛隆  
未一書於方冊豈有可能使其不犯宜聖主獨以為極功  
碩錄微勞普加誤獎雲章垂象已旁燭於三辰奎壁載圖

仍諦瞻於八法夫何冒昧獲此遭逢此蓋伏遇 皇帝陛下大德好生成功不宰罔兼庶獄遂臻刑措之隆申勸群工特厚袞褒之寵而臣雖參寔試獨負空食上懼貪天以為工下愧因人而成事永藏漢禮自欣千載之時力誦堯仁願拜萬年之壽

謝獎諭表

張全真

臣某言近者本路諸處群盜相繼平殄緣乂勤聖慮畧具奏知今月初三日伏敢詔書獎諭者四郊多壘盡陶簫勺之和一札成文誤被絲綸之寵吏民改觀山水增輝臣中謝竊以盜起貧窮故詩人詠盈止而後寧止治貴清淨故

循吏謂勝之不若安之矧惟江西稍遠闕下徂囂訟之習而稔熟其兵甲遭焚掠之暴而隳廢其田廬蟻聚蜂屯既結而不散草薶禽獮垂盡而復生上軫九重之憂尤艱一路之寄如臣本無術畧加以衰遲親承訓敕之音恭布寬大之詔人非木石固知懷德以歸心惟有豺狼亦或畏威而革面至於遣戍兵而督捕殲首惡以示懲政以罔悛殆非得已故稍戢弄兵之俗沆可小康未能臻奠枕之期曠然大變心冀寬於憂願跡頗類於言功乃蒙旌閫制之微勞降璽書而褒諭人所助者信也實由聖德之誕敷臣何力之有焉徒愧恩言之重渥此蓋伏遇 皇帝陛下懋湯

大德達舜四聰孝通神明外默孚於強敵化行江漢內自  
格於群偷欲獎勵於庶工故推揚於一善臣敢不仰體勸  
功之意銘深厚之訓詞俯思善後之方息愁歡於田理庶  
幾晚節不辱睿知

謝遣中使撫問表

王介甫

孤臣疲曳自阻進趨上主慈憐猶加撫諭中謝伏念臣晚  
陪休運特荷異恩橫草無功每恨棄軀之晚負親有疾仍  
慚制祿之優豈謂陛下所摠萬機心忘一物迺因輜軒  
之出俯逮躋履之遺仰荷眷私唯知感涕

謝宣召表

含哀去國扶德造朝黼坐禁嚴許之燕見玉堂閣麗賜以  
叨居申飭使人就傳德意事雖有故寵實非常莫知報稱  
之謂何徒荷眷求之如此

謝赦書表

張全真

際河之封再歸版籍配天之澤覃被幅員疾置流傳輿情  
呼舞臣中謝臣聞晉塵符秦於肥水之上猶動八萬之師  
吳奔曹魏於赤壁之傍僅保三分之地糜爛其民而戰功  
烈如彼其卑坐視中原以資敵國曾未有不煩遺鏃遂得  
侵疆卓然標一代之勲煥乎如今日之懿此蓋伏遇皇  
帝陛下廣大配天地孝悌通神明料強敵於沉幾決大疑

於獨斷修政事而復周境何愧宣王敷文德以格苗民遠  
符虞帝既獲和戎之利大推肆青之仁臣夙贊鈞衡荐分  
藩翰惠此中國已共沐於湛恩守在四夷願永觀於丕顯

聖宋名賢五百家播芳大全文粹卷六下

聖宋名賢五百家播芳大全文粹卷七上

謝表

賜賚

文字

曆日

衣帶

鞍馬

賜弟

藥物

賜宴

生日

謝狀元以下賜周官表

陳誠之

聖經雅奧誕申儆于百官宸翰昭回周垂賁於多士得茲  
未有悅若自驚中謝竊念臣等猥以迂愚粗勤學問身與  
諸生之列名叨六藝之科考師友之淵源蓋慚於甚淺論  
政事之得失或愧於不知載省其中未堪自信陛下矜  
其無狀將試臨民謂何必讀書恐弗克於為學而不克師  
古亦因匪於攸聞若昔大猷布在方策雖本群儒之所習

尚憂一旦之或忘爰札周官用形聖訓上不及於簿書期  
會之務下無問於米鹽細碎之煩戒以典常勸之功業道  
本稽於文武炳若丹青筆叟掩於鍾王倬茲雲漢竊瞻偉  
觀仰認淵衷樂此光華下逮寒陋茲蓋伏遇 皇帝陛下  
德參化育誠茂經綸念夫法令為師恐流刻薄要以詩書  
臨政可致於中和於其筮仕之初導以見經之旨肆令公  
磨均與恩盼臣等謹已十襲寶藏三復告誡不惟逸豫將  
終身而由之奉以周旋願從政乎何有其為感極至於涕  
零

謝賜御製七十二子贊表

魏道弼

奎畫文章丕顯杏墻之至教牙籤玉軸蔚為洋水之榮觀  
偉此道之興崇振斯文而烜赫三熏拜賜十襲秘藏中謝  
竊以元聖素王雖一時之窮厄立言垂訓實萬世之宗師  
受其義者三千速而肖者七十類升堂而入室咸附翼以  
攀鱗自昔流傳見史臣之稱贊於今持盛仰聖作以褒揚  
如聞魯國之絃歌恍若孔門之問答煥龍光之所彼覺廟  
貌以增輝普頌惠於儒宮用開明於士類茲蓋伏遇 皇  
帝多能天縱盛德日新當萬機之燕閒探六經之奧旨發  
為睿藻迥超兩漢之文親洒宸毫高出二王之法恢張吾  
道竦動多方臣榮與諸生欽承寵錫潛心熟讀真同義易

之重文盥手披觀下陋唐宗之三絕

謝賜御書孟子表

范元卿

蘊奧之義默契於淵衷昭回之光發揮乎宸翰分頌有寵  
拜賜惟寅中謝竊以戰國縱橫衆言殺亂乃篤生於亞聖  
以丕振於醇風闢揚墨之功不在禹下非堯舜之道不陳  
王前者為一經垂之萬世伏遇 皇帝陛下投戈講藝肆  
筆成書既深造于七篇復妙臻乎八法寫之琬琰炳茲丹  
青鳳翥鸞翔載出河圖之畫金聲玉振傳洛誦之文臣猥  
被鴻私親瞻睿藻藥與諸生之講習益昭治世之升平

謝賜御書孟子表

擬聖而作畫包羅天地之情肆筆而書發昭回雲漢之象  
寵頌儒館增賁人文中謝竊以百家存而醇者孟軻孰傳  
是學萬世知其解者大聖獨尊斯文惟默契於淵衷爰發  
揮於宸翰紹唐虞雍熙之治闢揚墨放蕩之辭炳若丹青  
寫之琬琰坐令亞聖之道復振右文之朝茲益伏遇 皇  
帝陛下盛德日新多能天縱翫味七篇之奧縱橫八法之  
精洛書河圖闡千齡之秘蘊璇題寶閣聳多士之偉觀臣  
敢不奉以周旋導之德意謹庠序而申孝悌但明人倫薄  
稅歛而易田疇更期民富

謝賜御書孟子表

潛心德奧難量聖學之深微肆筆書林共仰奎章之炳煥  
敷化孰大拜賜為榮中謝竊惟典學乃帝王之心游藝亦  
聖人之事雖文沒而道未墜于地自軻死而世不得其傳  
茲由心畫之精得究人文之盛恭惟 皇帝陛下道妙自  
得天縱多能方萬機之迂衡遍乙夜以監右謂知言之要  
一本仁義而得書之躰不外形聲乃於七篇之中備見八  
法之妙取諸運掌契若合符眷茲在外之臣亦被非常之  
賜臣幸窺宸翰庶獲盡心奉以周旋倬彼雲天之顯著格  
于上下照然神物之護持

謝賜

御書傳神贊表

秦太師

雲漢之章炳耀盪日奎壁之畫森列昭天自惟糞朽之姿  
曷稱龍光之澤對揚大賜孰復深慚中謝伏念臣山澤臞  
儒鈇槩末伎輦頭鼠目甚寔可憎馬勃牛溲雖收何用畫  
蔑聞於籌筆圖敢望於凌煙屬上聖重整於乾坤俾遠臣  
密依於日月考甘露麟閣之選參永平雲臺之篇繪此支  
離藏之中秘冠標題於博陸親洒仰紐書之成先興贊於  
蔚宗視草靡一辭之措高蹈前古流芳匪今此蓋伏遇  
皇帝陛下天縱多能日新盛德依於仁而游於藝思其始  
而成其終惟謂昧愚首叨顯設臣敢不展布四躰精白一  
心才不長而貌不揚所資術正教之先而南之謹更懋義



方

謝賜

御篆碑額表

王豐父

臣某言伏蒙聖慈特降御筆發明先臣某舊勞特賜御篆神道碑額及勅差官撰書碑文添修碑樓并立石者閱四朝之故老前績久湮仰八字之神毫沉寃一洗恩歸獨斷事協公言墓隧生光門閭復振中謝竊以宣尼表延陵之墓止獲素王之褒明王題懷慎之碑頌匪聖君之作猶事美於當代而名傳於無窮恭惟皇帝仁冒天淵明齊日月煥堯章而致治纂禹績以圖功迪高后以康兆民永懷先烈定大策以安宗廟爰軫舊勞重念先臣蚤逢嘉會遇

聖神於五百歲位宰執者十六年有協贊事功之勤及維持法度之効念嘉祐受遣之事餘藁具存察元豐建嗣之初忠言莫掩特下發中之詔用明既往之勲俾立豐俾庸旌舊壠松楸改色原隰增輝宵席弥文已極春秋之法跳龍寶篆更高科斗之書裁銘屬乎相臣書丹詔乎法從俾完傑閣復命樞庭殊方傳以歡欣善類為之鼓舞精忠舊德事既白於九泉弱族孤宗報共期於一死

謝賜

御筆表

晁之道

二聖奎圖恭承睿覽先臣勲德深軫皇慈親御宸毫俯臨部室三光參照千載增榮中謝伏念臣先父臣某勤勞百

為夷險一節昔事仁祖再登宰衡外則成河朔之平之功  
內則啓嘉祐援立之策厚陵嗣服深褒王佐之才神考尊  
賢特右相臣之席晚被元豐之詔大明至和之功位冠宗  
臣勲在王室凡聖謨之詢逮與睿眷之寵嘉翰墨具存賡  
歌未遠獲徹聖神之聽益昭皇帝之明曲念遺忠俯矜哀  
緒忽驚雲漢下燭草茅惟一旦之所蒙豈平生之敢冀而  
臣艱難薄命蹇淺下材自蹈窮途仰慚先烈數勲勞於多  
士無不遭逢獨寒瘁之一門最為哀替果蒙憫惻特借輝  
光此蓋伏遇 皇帝陛下惠澤川流皇慈天覆治功駿偉  
稽二帝而此隆誠意簡孚格三靈而並貺休符衆至協氣  
橫流惟八方履載之間舉無不獲豈四朝勲勞之後乃忍  
獨遺收之罪戾之餘被以涵濡之賜恩加存沒榮動里閭  
念臣積愧冥頑粗傳忠孝獨叩天路以明父動不辭斧鉞  
之嚴誅必冀精誠之上達前蒙昭鑒盡滌往愆今切寵靈  
更逾始望自惟困躋實費生成冀曲加於保全俾少振於  
門戶臣敢不內思淬礪外當激昂砥節立名不負教忠之  
訓闔門殞首少酬報上之心

謝賜戒石銘表

張全真

陛祀勒銘夙仰祖宗之猷訓輜軒傳詔載新郡邑之觀瞻  
器受以還兢榮罔諭中謝恭惟 太宗皇帝削除僭偽統

一蒙區屬四方新脫於干戈期百執恪遵於軌度肆頒聖  
製用謹官箴炳若丹青揭訟廷而成覩駕諸琬琰垂永世  
之不渝吏有勸懲人亦康乂閱歲華之滋乂致睿藻之弗  
宣有懷在位之苟媮深軫斯民之困敝得故臣之遺墨見  
上聖之宏規爰廣歎宣親加贊述大書深刻粲然盤昂之  
文俯翫仰思竦若韋絃之佩此蓋伏遇 皇帝陛下寬仁  
厚下勤儉保邦率由舊章紹復大業何必官刑之儆自然  
民虞之除紫詔相輝陋漢皇之一札黃堂增煥配章聖之  
七條臣乂遠清光猥叨重寄惕然拜賜曾無咫尺之違顏  
何以酬恩尚勉暮年之報政

謝賜成石銘表

葛 兼 白

天語丁寧誕傳寰宇雲章黼黻俯逮私門祇奉匪頌惟知  
欽佩臣中謝竊以 太宗皇帝憂國若渴視民如傷虞郡  
縣之吏游食以瘞官慮姦貪之臣瘠人而封已親紆寶思  
申敕庶邦立為戒石之銘光動奎躔之次庶乎委質之吏  
咸有奉公之心而乃睿訓弗昭攸司尚闕雖知惇使所載  
固磊落而畢陳然非邇臣再書殆澳汨而難見共惟 皇  
帝陛下勵精庶政聿圖康功以孝奉先故宣布前朝之美  
以仁利物故發揮永世之規以謂德宗嘗製台衡之銘明  
皇大頒令長之戒猶傳琬琰顯示臣鄰矧惟昭代之彝章

實作萬方之藥石儻稽遐布曷示深慈爰錫輔政之臣俾  
奉如絲之旨臣敢不丕承德意上體格言孫子襲藏永作  
緹中之寶晨昏警頑揭為坐右之觀

謝賜元祐新編勅表

田承君

一成不變君子所以盡心百世可知聖人所以救弊道存  
損益法有輕重講求既合於大中詳用必歸于至當頒諸  
率土賚及愚臣祇荷寵光伏增覲汙伏惟太皇太后陛下  
下躬任姒之德秉堯舜之心宣室齋居既親于庶事明光  
斷獄乃止于數人尚慮滋彰務通貫變俾之難犯而易避  
蓋出惡殺而好生克成幾措之風誕布不刊之典臣猥參

近侍誤簡清衷顧此新書亦蒙大賜坦然明白既無詳讞  
之疑奉以周旋期盡哀矜之志載惟聖訓永得家藏

謝賜曆日表

崔德符

舟車所至盡襲漢儀冠帶之倫咸遵周朔中謝恭惟  
帝陛下明兼五緯道貫三才宰制群元春生而秋殺鼓舞  
萬類神動而天隨固已輔相物宜彌綸元化而復謹歲端  
而布政修陽曆以御時合璧連珠日月之行弗過方輿圓  
蓋天地之運靡差分至啓閉之候可知生成作息之功斯  
在惠我邦國錫之庶工而臣猥以謏材假守方郡恪推時  
令自洽於豐年寵佩恩宣永鐫於聖訓

謝賜曆日表

惟聖統天以時詔事肆頒紀曆深諭化工中謝恭惟皇  
帝陛下治識惟幾道昭不宰祇事上帝謹陟降以無違克  
綏兆民致弛張之有序仍俾承流之吏悉知從政之方力  
赴事功弥有逢辰之幸願慙駑蹇徒興既老之嗟

謝賜曆日表

晁之道

恭典裨天載頒紀曆凡預承流之寄舉知從政之源中謝  
恭惟皇帝陛下以道御時觀民設教配乾坤之履載極  
雨露之生成嘉與庶工共嚴七政春耕秋斂俾衣食之無  
違陰慘陽舒誤德刑之有序臣敢不欽率舊典奉宣至仁  
期勿奪於民時願同歌於帝力望雲載躍仰聖化之惟新  
撫已自知懼功名之或晚

賜衣表

寒律肇開已屆始裘之候皇恩下逮猥頒在笥之珍拜  
舞以還曳屨增愧中謝竊以遣賚綿楮漢文獨賜於藩臣  
解錫襜褕光武弟加於驍將未若霈寶慈於列位錯文篚  
於周行均戴龍光共深爵躍共惟皇帝陛下謙光遇下  
晉晝接人布明明之德而衣被四方昭燦燦之儀而粉飾  
百度致茲臣竊冒玷恩華臣敢不盡瘁王家協恭公上庶  
乘軒之鶴少迹竊位之譏而在梁之鶴無復冒恩之刺

謝賜冬衣表

出笥分珍在廷均賜方此御冬之始俱懷挾纊之温中謝  
茲盖伏遇 皇帝陛下子視庶民天臨群下遇之有禮俾  
知臣節之恭豈曰無衣獨覺恩之重臣等敢不力圖其報  
仰稱所蒙惟公爾以忘私庶服之而無斃

謝賜冬衣表

觀天四序歛一歲而成冬稽國九經與群臣而同躰趣頒  
商笥下逮周行 陛下丕冒群工誕敷洪施當未明求衣  
之際穆若有懷頽大寒索裘之時凄其將至乃申舊典以  
示深仁臣等覆被君恩縻捐邦賦仰思報上傾星辰拱北  
之心俯念裕民斥杼柚大東之詠臣無任

謝賜衣金帶表

王龜齡

論言下逮懼器使之非宜恩數有加願身章之弗稱退量  
僥冒弥積兢慚中謝伏念臣性姿蠢愚世閱寒庠獨遇盛  
明之旦亦晞奮勵之規誤竊儒科曾是青氈舊物推遷仕  
牒徒驚華髮墮顛依造化之大均乏毫釐之小 越從鎖  
闥權寘憲臺圖退避之無繇服榮寵之若此雖將自竭曷  
報所蒙茲盖伏遇 皇帝陛下軫念臣工修明典禮示等  
哀於百執致藩飾於群倫既厚匪頒俾首曳婁之煥曲形  
尉籍終迓負乘之譏仰戴生成敢忘縻殞

謝賜衣金帶表

仰奉恩綸復特從橐賜身章之過渥願物論以多慚中謝  
伏念臣稟性蠢愚入官遲暮心常震悸早緣憂患之侵臂  
輒拘攣頗覺筋骸之老頽投閑散庶養病羸茂林豐草之  
可思佩紫懷黃之弗稱退惟忝冒實出遭逢茲蓋伏遇  
皇帝陛下道大兼容仁深善貸衣被萬方而加名數之謹  
鼓舞群動而推爵賞之優致茲衰孱亦預褒飾臣敢不動  
勞夙夜銜戴瞻思求言糜殞之期不辱曳婁之美臣無任

謝賜玉帶表

王介甫

臣某言伏蒙 聖恩以收復熙河洮岷疊宕等州特加褒

諭親解玉帶賜臣者尸臣列侍方臨極辨之朝暫御瞻傳  
獨拜非常之賜寵綏狎至懇避弗俞焜耀有加凌兢無措  
中謝竊以河洮之業洮自聖謨方虎之材進非師錫片言  
投匭遂察見其有孚衆訛盈庭預照知其無青以至授兵  
筭食蒐卒弟功能畢協於始謀實仰歸於獨斷如臣蕞爾  
何力有烏伏惟 皇帝陛下善貸且成勞謙不代弛曠瘵  
之大責錄將明之小忠揚于廣除委以珍御瑟彼英瑤之  
質煥乎華袞之言臨授用光顧榮踰於古昔退藏惟謹知  
燕及於雲來施更厚於解衣報敢忘於結草

謝賜衣襖表

晁之道

恩言溫厚已驚春律之回賜服焜煌更覺天光之被撫躬  
甚陋跼地知慚中謝臣聞在筭勸賢人思務得解衣撫士  
衆必捐驅親逢晏粲之期共載光華之寵恭惟皇帝陛下  
下仁敷動植威服蠻夷垂衣而四海寧振頌而百事舉載  
御始裘之禮爰思無褐之詩並錫恩榮俾諧安吉審觀戰  
士無皸瘃之虞深省孤蹤必獲糜捐之頌臣無任

謝賜生日禮物表

葛謙白

駟使星臨芝封天降曲記始生之旦旅頌多物之儀祇荷  
慈憐徒深感暢中謝伏念臣親逢亨會寢躡榮塗職庀金  
華術業何裨於廣廈班通黃閣謀謨莫効於嚴宸方懷昧  
冒之慙不享便蕃之賜收分生餼樽漾香醪珠春穠極之  
良玉屑枕椰之美駢茲庶品併賚罔功此蓋伏遇皇帝  
陛下禮備養賢仁深接下特存彛制寵示恩私飫賜所加  
已拜匪頌之溼素飧是懼敢忘盡瘁之忠

謝春衣表

青春三月時既迫於載陽丹禁九重衣特盼於在筭雖動  
曳婁之愧敢忘衣被之仁拜受省循凌兢罔措中謝恭惟  
皇帝陛下緝熙庶政藩飾群工親御弋綈事每聞於克已  
寵頒束帛禮特厚於優賢粲然箱篚之儀溥及簪紳之列  
臣祇膺綉賜銜荷湛恩頌影知榮共詫章身之煥不衷是



懼深虞濡味之譏

謝賜對衣金帶并金魚袋銀鞍轡馬表

履道

出襜裳於內府束以環金引逸足於天閑副之釘轡寵光  
荐至震惕彌深中謝伏念臣學昧美身材難致遠偶親逢  
於盛旦遂踐歷於華塗在凋之馬思無邪既繫維之是就  
如子之衣安且吉曾藩飾之已多敢緣因任之求更冒匪  
頒之渥茲蓋伏遇 皇帝陛下如天覆物以道馭臣願雖  
庀賤之軀亦被便蕃之數不稱其服終無濡翼之功既閑  
且馳徒誦卷阿之義其如報効已誓捐糜

謝賜對衣金帶鞍馬表

張全真

討論潤色已懼空殮衣被服乘更蒙蕃錫冒寵章而增慙  
趨禁路以知榮中謝伏念臣久安龍具之貧居豈識蟻封  
之或足羈孤寡援誰怜范叔之寒災禍冥心久悟塞翁之  
失竊重金之題服跨沃轡之名駒病骨支離眷恩優渥此  
蓋伏遇 皇帝仁而徧物哲以知人駿骨而市千金灼知  
誠意狐裘之非一腋務盡衆長乃捐在筭之珍曲示解驂  
之惠臣敢不仰思藩飾俯効馳驅束帶而使與言儻不愧  
縉紳之列據鞍而示可用庶幾迓負乘之譏

謝賜對衣鞍馬表

出大庭之顯服束以精鏐引內僂之名駒傳之錯采隆恩

所逮朽質知榮中謝竊念臣弱力淺聞又憂積疹中預從  
官之選外分守將之權僅免譴訶更蒙收召論思潤色曾  
莫効於微勞衣被服乘乃前叨於異數此蓋伏遇 皇帝  
陛下醜於慶賞詳在招延因示眷懷使知奮勵誓竭愚忠  
之報冀無虛受之嫌

謝紹興府行宮賜本府充治所表

張全真

六飛回馭想清蹕之餘音一札疏榮復黃堂之舊觀吏民  
交慶屏翰增嚴中謝竊以揔師七州提封八縣聽事所在  
相攸允宜鑑水環城真禹巡之沃壤龍山負海面秦望之  
竒峯會逢輦轂之駐留煥發湖山之深秀逮於法駕寔擬

陪都屬行殿之久虛眷守臣之僑寓乃捐管籥以重藩維  
家在樓臺真踐詩人之勝戟森兵衛稍知州將之雄居靡  
敢安恩豈無自此蓋伏遇 皇帝勵精以復境土布德以  
綏邇遐俯稽晉文桑下之言懷安是懼遠跡漢高馬上之  
畧暴露靡辭復矜群下之宣勞惟恐一夫之失所方書下  
下之考遽享潭潭之居廣厦千間已免震凌之患土階三  
尺尚存簡素之風忝惟幄之舊臣拜忭幪之新寵一日必  
葺敢忘前哲之規四方于宣期壯輔藩之勢

謝給還賜弟表

王 豐父

先臣被謗已經三紀之年聖主明功推特一日之澤載頌

宸筆復畀故廬百口有歸九泉銜感中謝切以既宣勞於國則取賞於朝圖申伯之居昔褒於臣績復周公之守實出於君恩重念先臣蚤以藝文浸階撫仕擢自仁皇之世相於永祐之朝經躋贊元克彰於成烈受遺定策首建於忠言遽興身後之讒誣盡削生前之秩賜非遭上聖孰正舊勞茲蓋伏遇 皇帝有生畢容如天之覆元幽弗燭若日之臨明已判於是非惠乃加于存沒父老嘆息再欣蕭弟之開車馬經從益覺千門之大族庖復共寢廟載安里旅無煩問師來慶扶老携幼再成團集之歡飽食逸居永載忻懽之賜仰圖報稱更誓糜捐

謝賜功德院表

晁

款祖考之潛宮永懷先烈眷股肱之舊德申敷湛恩存沒知榮臣工胥勸中謝伏念臣先臣某援立英祖輔翼神宗肇先嘉祐之功備載元豐之詔勲居第一寵極無前惟先寵建之始因乃昭陵念功而特賜晚從例奪仰愧夙恩果深軫於至慈亟復歸於舊物荒原動色拱木生光此蓋伏遇 皇帝陛下誠心動天孝德錫類念神靈興起之所自憫輔弼贊襄之有勞茂腆殊私度越常數俾先朝受遺之元老存不沒其幽光頌九原未泯之忠魂必有酬於溼澤臣無任

謝許受嘉王書送表

王 豐父

臣某言本月二十日皇子嘉王以臣被旨撰府第上梁文書送到銀絹等嘗具奏狀辭免奉御筆不許辭免令收者屬文無取優以寵頌陳免弗俞賁之宸翰先生幽蔀感溢忠衷中謝切以受詔輒成漢專枚臯之譽援筆可待宋獨王融之稱儻非敏捷之才曷顯文明之盛如臣者稟資甚陋賦分数奇辱神聖之誤知以詞章之末技含毫落筆恨相如之思蓬鳴玉鏗金之君房之語妙每叨眷獎曼絕等夷屬未即之聿開陞修梁而告就遽傳密旨謬索鄙文拜貺殊常露誠祈免仰跳龍之寶字忽落人間霑批鳳之殊恩載加私室茲蓋伏遇 皇帝堯文照世禹度包荒善至眇而莫遺勞雖微而必賞人咸自竭功格太寧重念臣憂患餘生恩華特起稽山太守媿冒買臣之榮漢闈拾遺空有汲生之顧終圖糜殞上答知憐

謝賜湯藥表

王 介甫

隆恩博施弗以遐遺弱力薄才豈能仰稱中謝臣又孤重任上誤聖知特荷眷憐備昭誠悃付以便安之郡休其疲曳之軀跋涉之路未窮問勞之恩先至璽書甚厚藥物兼珍此蓋伏遇 皇帝陛下丕冒海隅寵綏臣庶簪履之舊不忍於棄忘雲天之高每存於庇幃永惟報効徒誓糜捐

謝賜夏藥表

錢 叅政

典籥部都夏時載閱分珍御府上渥重頒恭啓驛函敬祇  
奩劑伏念臣思慮久耗精神易衰爾骸望息於雲間良藥  
悉從於天上清風濯熱冰圓誇玉井之冰大火流金雪散  
勝紅爐之雪滌除煩鬱扶起支離茲蓋伏遇 皇帝陛下  
情寓南薰心常東顧欲除民愠俾迓內熱之傷先賁臣躬  
使布中和之惠臣既無憚暑惟有競辰思已安和盡出匪  
頒之德去民疾若舉為仁壽之歸庶滿愚衷仰酬大賜

謝賜喜雪宴表

呂 伯恭

同雲雨雪南山已詠於豐年湛露晞陽北闕載開於華宴

先生觴豆澤浹簪裾恭惟 皇帝陛下昭受天休鑒觀民  
阜醴泉甘露靡容太史之書旨酒嘉肴獨侈農夫之慶凡  
陪鎬飲咸識堯心臣等濫列垂紳喜均側弁一之日二之  
日既沐洪恩千斯倉萬斯箱行觀嗣歲

謝喜雪賜宴表

葛 謙白

燭龍照山優渥已彰於天瑞游魚在藻燕胥曲荷於君仁  
命出九閭慶均百辟恭惟 皇帝陛下躬持慈寶默運道  
樞時調玉燭之和氣協瑤花之應三靈孚佑九扈兆豐肆  
頒湛露之恩大作需雲之席宴觴有術朝弁無譁移方文  
之仙山奏鈞天之廣樂賞同梁苑疑眸悉預於奇觀享類

鈞臺鼓腹盡霑於飫賜臣濫叨燮理實預榮懷秩初筵已  
敦崇放躰貌悽悽丹悃誓歸報於忠嘉

謝賜生日表

王介甫

臣某言伏蒙 聖慈特差臣女壻前守常州江陰縣主簿  
蔡卞泐路押賜生日禮物衣一對衣著一百匹金花銀器  
一百兩馬二匹金鍍銀鞍轡一副者寬假之恩幸從於私  
欲匪頌之寵尚玷於常科知報稱之良難積驚慙而實厚  
伏念臣見收末路承乏近司大馬之力已殫訖無補報蝼  
蟻之誠自列竊幸退藏尚兼將相之崇且受藩維之託叨  
逾已極賜與更蕃此蓋伏遇 皇帝陛下仁冒海隅禮優  
臣庶宥衆尤之積累示全度之并包爰及微生具膺殊獎  
致養以樂永懷弗洎之悲移孝則忠敢怠進思之義

謝賜生日表

王介甫

慰藉溢言匪頌異數荷恩勤之及此思報稱以蔑然中謝  
伏念臣繆簡帝心叨陪大政以久孤之朴學當難遇之盛  
時雖罄愚忠何裨聖治門孤可想方永念於劬勞臺餽有  
加更上煩於寵獎此蓋伏遇 皇帝陛下施仁品物致禮  
臣隣將備責於安危故俯同於憂樂所願輸忠而後食敢  
知得賜之為榮矧生已之至恩已云不報獨事君之大義  
庶或無慙

謝賜生日表

璽書加獎臺饒示優屈使者之光華發里門之榮耀中謝  
叨念臣才非秀穎勢又羈單方少也臣父教臣以為已之  
方及長也臣母勉臣以許國之節叨踰至此稱效闕然慈  
訓又孤每感劬勞之日恩頒存更慙明盛之朝此蓋伏遇  
皇帝陛下智臨方來慈保臣庶嘉以物多而備禮使知意  
厚而盡心臣敢不自竭斷斷之能庶以少申惓惓之義

聖宋名賢五百家播芳大全文粹卷七上

聖宋名賢五百家播芳大全文粹卷七中

陳乞表

乞外任表

不備而惟其人故輔臣必用賢者無功而在其位則詩人  
所以刺之輒控籲天之誠冀逃累國之責中謝伏念臣越  
從羈遠擢寘顯嚴才不足以達政經學不足以斷國論無  
嘉猷以副虛佇之託無重望以慰具瞻之心顧慕留連遂  
循俯仰雖皇慈之善貸豈清議之所容夫物理之常器滿  
則必覆古人之戒位高者疾顛加之多懼而積憂是以早  
衰而易病外雖強而中涸日常耗而髮童日迫傾危上孤

任使再殫螻螳之志敢避鈇鉞之威伏望 皇帝陛下大明燭幽至道成物察臣今日進退之計本無它腸貸臣累年尸素之愆俾全晚節庶稍循於禮義免大玷於生成藩宣儻昇於一州報効敢辭於九隕叩閣俯伏得請是期

乞外任表

劉 莘老

臣聞事君必盡其誠故當無隱陳力有時而止蓋以不能輒傾底裏之懷仰瀆高明之鑒中謝伏念臣所學昧陋稟生拙艱敢晞當世之功名徒慕古人之節行逮四朝而竊仕遭二聖之誤知濫廁羣材遂與初政遷進歷塵於三省首尾已及於四年不繫去來無能軒輊匪惟智慮淺而已

竭加以憂患多而早衰兩目頻昏百骸多疾遲徊戀寵出入覲顏內招竊祿之災外坐妨賢之罪與其待人言而後去上煩典刑不若揣己分以自陳猶全出處輒傾孤懇願丐一州伏望 陛下廓日月之明廣乾坤之度矜此已疲之犬馬貸其無補於消塵特推從欲之仁不惜分符之寵使有民社宣惠澤而下流庶於桑榆收微勞以自効欲乞解罷職事除一外任

乞外任表

劉 莘老

近上封章願辭職任恭承批荅尚秘俞音輒再冒於譴誅非敢輕於出處中謝臣誤膺獎拔本乏器能一預政幾四



更歲齋有妨賢之積愧無事道之顯名每驚弱植之漂搖  
常賴至仁之掩覆滿溢必殆盈虛有時非不知聖神之運  
難逢天地之恩未報然才智止如此踈繆見於已然用之  
易窮如鼠之五技去不為少若鳧之雙飛况爵祿者天下  
之至公難貪而又處進退者人臣之大節竊冀於少完儻  
可効於涓埃顧何分於內外伏望惻其懇款賜以始終大  
譴大訶稍黜黜幽之憲有民有社願膺共治之咨誓將勤  
養於小民尚得仰酬於洪造

乞外任表

黃魯直

蒙恩待罪著作討論史事預聞聖朝大典實以為榮而臣  
才不逮人讀書有數見聞淺陋無助闕遺龜勉素殫已糜  
歲月重以老母年垂七十寢飯湏人朝請坐曹義當夙夜  
退則有虧子職進則無補公家敢申犬馬之情仰望乾坤  
之造伏望聖慈除臣一江淮合入差遣問民疾苦得以効  
於吏功將母旨甘或少裨於孝治

乞外任表

歐陽永叔

事君以忠本期盡瘁不能者止亦貴自知敢傾悃悞之誠  
仰躋高明之聽中謝伏念臣本由寒素偶踐科場祗希干  
祿以養親敢冀逢時而見用蓋以腐儒章句之學豈堪王  
佐之材童子雕篆之文固異賢人之事而誤蒙睿獎俾貳

宰司訖無毫髮之可稱常懼滿盈之必覆加以年齡迫於  
衰晚氣血損於憂傷惟兩目之舊昏自去秋而漸劇精明  
晦靄瞻視茫洋冬春以來職業多廢當聖君求治之始是  
群臣宣力之時自嗟犬馬之微軀遽先疲乏惟恃乾坤之  
大度曲賜含容雖未責於曠官亦難安於尸祿與其坐待  
於彈劾豈如自乞於哀憫伏望 皇帝陛下推天地之恩  
回日月之照察其愚直不敢矯誣許解政事之名假以州  
符之寄則臣不止偷安而養拙亦將自療以求痊尚冀昏  
瞳之復明會圖後効而報稱

乞外任表

忠以事上雖見義而必為力有不能則知難而當止是惟  
臣子進退之分實繫國家利害之機則其居也敢懷竊位  
之安其去也豈止全身之計輒彈拙訥上黷高明中謝伏  
念臣本以庸妄出於孤單學不通方識非慮遠徒以遭逢  
先帝誤彼聖知擢自諸生俾參大政伏遇 皇帝陛下膺  
期出震繼統當天方聖政之惟新思群材而並濟臣以衰  
遲之朽質又當機要以妨賢有守經泥古之愚無應變適  
時之用考於外論早合黜幽伏蒙 皇帝陛下廓大度以  
兼容謂衆惡之必察特加庇覆俾獲保全固當勉勵疲駑  
誓圖報効而臣量盈器極福過災生兩目眊昏積年舊苦

中消渴涸新歲所加精液銷澌志於神而並耗羊膚腠削  
氣將力以俱殫臣若猶強殘骸切貪厚祿坐取敗官之責  
上累知人之明苟以此致興於人言則乃是可畏之公議  
異夫誣謗難復主張此臣所以深自揣思敢陳悃迫伏望  
皇帝陛下曲垂睿眷俯察愚忠念其獲親日月之光頗歷  
歲時之久居常碌碌曾莫異於片言一有紛紛遂獨當於  
衆怒尚乏周身之智豈堪為國之謀因其自訴於病衰幸  
俾獲逃於罪戾退之散地得盡餘齡則臣永荷天地之恩  
敢忘犬馬之報

乞外任表

歐陽永叔

坐貪國寵既以難安仰叩帝闈期於必達

中謝

伏念臣早

緣幸會親邁休辰以一絰之腐儒參萬機之密論違時背  
俗速謗招尤雖無獨立弗懼之明粗懷可殺不辱之節所  
以強顏忍恥不知軒冕之榮加之多病久衰難勝筋力之  
任近從去歲益以中乾渴如鼷鼠之飲河喘若吳牛之見  
月多言外噪衆疾內攻心已自危豈足當於謀慮力雖欲  
強幾不至於踣顛方奮銳於壯時猶無可道速摧傷於晚  
節亦復何堪雖幸聖君容覆之恩豈逃神理滿盈之罰苟  
不知退其將殞生伏願 皇帝陛下推天地之私回日月  
之照察臣粗識庶耻閔臣遽此衰疲丐以一州俾從素志

如此則力排羣議已荷於保全遂養殘生更繫於亭育雖同草木之賤尚識造化之仁

乞出表

王介甫

丞相之職天子是毗方當圖政之憂勤難以養痾而昧冒輒輸情素仰丐恩憐中謝臣叨被鴻私誤尸榮祿克仁天覆幸荒穢之蕪包湯聖日躋顧卑凡而自絕尚惟許國姑誓忘軀豈意眩昏甫新年而寢劇更知駑蹇難重任之久堪伏惟 皇帝陛下明燭隱微惠綏羈拙閱其積疾收還上宰之印章賜以餘年歸展先臣之丘壟生當擊壤以詠矜容之德死當結草以酬含育之恩

乞出表

王介甫

使陪國論惟亮天功必用強明乃能協濟豈容昏瞶可以叨居進冒聰聞罄陳危惴中謝伏念臣逮侍先帝列官外朝晚以喪歸因為病廢伏遇 皇帝陛下召還辟禁擢預經筵收於衆惡之中諏以萬機之事構讒誣而並至輒賜辨明推孤拙以直前每蒙開納陛下所以遇臣者可謂厚矣臣之所以報國者終於缺然豈理勢之獨難抑才能之素薄方懼過尤之積乃罹疹疾之如此欲外乞州藩易以就營鑿藥重念米薪之弗給尚何守土之敢謀輒緣不能者止之言度免貪以敗官之悔伏望 皇帝陛下曲垂仁

惻俯記愚忠賜以分司一官許於江寧居止則天地之德實有施於餘年犬馬之勤冀或輸於異日

乞出表

明主訓辭之寵宜即奉承匹夫志守之愚敢覬矜允中謝竊以品制百為揔裁萬物任怨蓋難於持久服勞安可以獨賢所以中外迭居是為祖宗故事况於疲曳加以瞶昏若由昧冒而無慙其必顛隳而不救臣過叨睿獎備進近司當循名責實之時故任怨持多於前輩兼蠲令改制之事故服勞尤在於一身雖蒙全度之恩僅免譴訶之域其於多故實以難支矧疾疹之交攻且事為之浸廢伏望

皇帝陛下昭其恂幅假以優游使得休養於衰疲以示保全於孤拙

乞出表

聖恩所及有隆天重地之施私義未安有深淵薄冰之懼中謝竊惟成湯高宗之世有若伊尹傳說之臣其道格于帝而無疑其政加乎民而丕變后惟時義相亦有終迨乎中世之陵夷非復古人之髣髴忠或不足以取信而事事至於自明義或不足以勝奸而人人與之為敵以此乘權而久處孰能持祿以少安此臣之慮危於居寵之時而昧死有均勞之乞况於抱病浸以瘵官伏惟 皇帝陛下道

與日躋德侔乾覆哀一夫之失所樂萬物之皆昌矧夫眷  
遇之優既已勤劬之久宜蒙善貸使獲曲全賜其疲賤之  
身假以安閑之地則敝無用猶可具於勞薪棄席未忘或  
再施於華幄

乞出表

私懷懇至已具布聞聖訓丁寧未蒙開納敢冒崇高之聽  
再輸悃悞之情中謝臣聞任賢之方要其有用陳力之義  
止於不能苟弗集於事功且重罹於疹疾豈容叨據以累  
明揚伏念臣猥以孤生親逢盛世昧於量已志欲補於休  
明失在信書事浸成於迂闊每煩出論上恩聖聰又知素

願之難諧繼以積痾而自困辭而去位庶逃竊食之誅勉  
以就工重荷包荒之德雖貪順命終懼妨功伏望皇帝陛  
下閑度有容大明俯獨時垂矜允俾遂退藏如此則孤進  
之身獲全生於末路具瞻之地得改命於時材

乞出表

封奏上昭未能感徹訓辭下逮更誤褒加中謝臣聞恕以  
及物者君之仁量而受事者臣之義蓋世之道有升而有  
降有士之行或肆而或拘遭聖治之尚容冀私誠之獲遂  
伏念臣自蒙任使已歷歲時雖或售於小忠曾莫裨於大  
政迨茲癯瘠乃始告勞姑以免邦憲之詰誅何足汗上恩

之獎勵使人狎至詔指屢頒祇荷顧憫重懷感悖非不願  
粗施其朴學庶幾以仰副於鴻私顧惟剛德之浸亨方奮  
睿謀而獨斷辨忠賢之可任既示弗疑察茲罔之為朋將  
知所畏人宜盡力朝豈乏材寧容昏憊之餘尚冒寵靈之  
厚伏望 皇帝陛下離明俯燭解澤旁施矜綿力之既愆  
監近司之或曠俯從控愬實允詢謀雖已事之無稱難言  
報國冀餘生之未泯尚獲捐軀

乞出表

邵公濟

使旨屢臨備宣德意詔辭繼下益佩恩私再冒嚴誅仰干  
洪造臣中謝伏念臣孤單寡與結約無竒濫處周行久叨  
連帥荷收憫於遠服俾待罪於樞庭坐籌決勝之罔功解  
難排紛之無策未委司敗獨賴聖知握髮數愆空驚白首  
撫膺增愧惟漢赤心顧茲福過以災生實因力小而任重  
伏望 皇帝陛下特垂淵聽俯諒微誠逸以真祠置之散  
地俾愚衷之無負庶衰疾之有瘳來日尚多敢憚捐軀之  
義餘生或泯猶思結草之忠

乞出表

歐陽永叔

事君之節雖盡瘁以為期量力而行有不能而則止敢黷  
蓋高之聽聽陳至悃之誠中謝伏念臣本出羈單粗知業  
履逢古文崇學之代竊並群英之遊當好問納諫之朝獲

從諸老之後遂蒙獎用叨貳機衡幸四海之無虞得容尸  
素荷三聖之殊遇特察孤忠坐貪寵祿之榮不覺歲時之  
久而餘齡嚮晚百疾交侵四躰癯羸甚已衰之蒲柳雙瞳  
眊眊幾不辨於駟驪頃自去秋累陳愚款先皇帝惻然垂  
閔慰以恩言許至新年俾解重任萬乘之仙遊忽遠孤臣  
之素願莫從方今聖統嗣興重明繼照人神胥悅中外晏  
然顧無避事之嫌敢遂乞身之請伏望 皇帝陛下特回  
睿斷俯察懦衷念孤根之易危哀小器之難用置之閑處  
賜以保全如此則天地之仁曲從於物性犬馬之報尚識  
於主恩

乞避位待罪表

汪彥章

天事常象俄謫見於星文帝德罔愆蓋咎由於臣等亟上  
需章之請願從資斧之誅未賜矜從若為退聽中謝伏念  
臣等猥緣誤寵叨汙近司才不適時初無一日之効罪乃  
累國至于三光之明既貽當宁之憂寧有在庭之理敢圖  
睿聖意在寅共任天下之責而欲以身先脩冑中之誠而  
不為文具謂象無虛應捷如形影之相隨儻變未能銷移  
寘股肱而奚益肆加訓勉窳積兢危伏望 皇帝陛下垂  
察父之仁體昊穹之意選於俊傑付以經綸無嫌大正於  
刑書勿使更妨於賢路既王省惟歲朝廷皆有用之才則



德隆晷星社稷享無疆之福

乞避位待罪表

汪彥章

天文見異既驗實於保章政路非人宜自拘於司敗荐布  
曩封之懇未行策免之誅尸祿為差寘躬何所中謝伏念  
臣偶緣人之預政幾雖有鷲愚慕蕭生之憂國略無事業  
如伊尹之格天致星氣之飛流勞宸衷之儆戒靖言塞變  
敢復逃刑爰席藁以自陳終叩闕而莫聽雖一人退託引  
過失以自歸然四海沸騰謂燮調之安在伏望 皇帝陛  
下稽格王之訓採輿論之公原大異之來臻皆具臣之所  
致博求賢佐共修五事以承天母徇虛文徒使百官之降

物

乞避位待罪表

歐陽永叔

任非其人則官必曠職時多闕政則天為降災惟謹咎之  
有歸難僥倖於獨免中謝伏念臣本以庸妄遭逢盛明擢  
貳宰司與聞國政不能叶宣上德輔導至和頓年以來害  
氣交作春饑已甚饑疫相望秋潦暴興覆溺無數下至生  
民之愁苦上貽聖主之焦勞臣獨何心安於厥位舉朝廷  
之典法便合黜幽賴覆燾之寬仁尚容自効伏望 皇帝  
陛下特回天造俯察愚忠俾解政機推行憲罰以塞上穹  
之降責以警庶位之脩官然後別選英賢

俾居參輔益圖更化之術上副求治之心自天人神以和災青咸弭不惟臣適其分亦俾國無屈刑

乞避位待罪表

上天告戒比屋罹災虔思銷異之方願避進賢之路特于聖訓未諒愚誠退自省循豈違安處中謝伏以天人之相去不遠見於事者若響之應聲賞罰之至要易知舉其大則以一而警之是以政有得而有失則災祥以類而來官若成而若虧則黜陟以時而舉伏念臣猥由愚陋進冒寵榮一貳政機五更歲律相府之事無不摠既皆得以與聞斯人之居不聊生欲於何而歸咎辜朝廷之委任貽君父之憂勞此而不誅何以勵衆伏望 皇帝陛下奮然睿斷赫以皇明理其曠敗之愆正厥經常之法置之散地全以寬恩誓堅犬馬之心終効消埃之報

乞避位待罪表

歐陽 永叔

陰殄干時聖心軫慮明詔一下羣臣震惶况居任責之司敢為幸免之計中謝伏惟 皇帝陛下自膺眷命光紹丕圖摠攬萬機之繁講求三代之治肝不遑食勵文王之小心行之以勤躬伯禹之盛德固已生民受賜品彙蒙休宜召至和以來嘉應而善氣未効時災薦臻惟天聰明異不虛出示人警戒咎必有歸所以三事之臣連草瀝懇况臣

最為濫竊尤玷寵榮方平日以尸居不知引分及敗官而  
宜罰其敢逃刑伏望 皇帝陛下俯抑至慈深思大譴退  
其不肖以為脩政之先不以為脩政得應天之實

乞宮觀表

司馬 温公

竊以不能者止盖量力以効忠有疾則辭豈愛身而避事  
輒殫悃幅上瀆高明 中謝伏念臣學古迂踈受材淺薄惟  
不欺而行已豈有志於濟時從以辱先朝過聽之知荷陛  
下非常之眷越從散地擢處近司雖智力之已窮諒毫分  
之無補屬嬰衰疾累涉旬時况綿幾及於膏肓羸瘦僅存  
於皮骨素榆向慕藥物難瘳未知朝謁之何期唯恐顛隤

之無日千錢賦祿豈高卧而可當三事列居非養痾之所  
處夙宵興念怵惕匪寧何待人言固當自省伏望 皇帝  
陛下仁深惻隱明燭幽微曲成萬物之宜不奪一夫之守  
使其全進退之義察其無矯激之心早賜允俞俾遂安養  
伏乞令臣宮難差遣一任下情上達必冀於感通人欲天  
從終期於得請

乞宮觀表

王 介甫

疏榮特異敢忘圖報之忠陳力弗能當布可辭之義 中謝  
伏念臣晚陪興運久迂近司戇愚弗逮於清光衰疾更成  
於瘵曠苟免大呵之責乃叨異數之加授以戎旃班之宰

席松楸舊國實使鎮臨蒲柳殘年况為榮耀顧在宣化承  
流之地方當徇名責實之時疲曳難支顛隳可畏仰祈睿  
眷俯徇愚衷并解將相之官外除宮觀之任託依田里瞻  
守丘墳儻憑伏養之私終獲夷疹之福敢忘策勵復糜捐

乞宮觀表

王介甫

輶傳俯臨壘書狎至仰荷眷存之厚第懷感悖之深任有  
不勝逸非所及輒輸危懇再冒大威中謝伏念臣久悞至  
恩難圖報稱過尸榮祿易取災危力憊矣而弗支氣喘焉  
而將蹶窮閭掃軌斯為待盡之時幕府建旄豈曰養痾之  
地所懼曠瘵之責敢辭逋慢之誅伏望 陛下照以末光

遂其微志使壇陸之鳥無眩視之悲濠梁之魚有從容之  
樂庶圖瘳復更誓糜捐

乞宮觀表

筋骸衰榮僅有餘生肝膈精微簡在聖德豈圖寵獎未賜  
矜從輒冒威尊更輸情素中謝伏念臣久妨機要初乏消  
埃苟免庶尤實荷恩私之至敢緣多疾更尸名器之崇比  
辱使輶係宣詔旨深惟策勵仰稱龍光而况病瘵有加療  
治無損辭榮家食乃為理分之宜干澤自營尚恃眷憫之  
舊伏惟 皇帝陛下衡聽萬物器使眾材念其龜勉之終  
難假以便安而少愒庶希躰力圖報毫分

聖宋名賢五百家播芳大全文粹卷七中

聖宋名賢五百家播芳大全文粹卷七下

陳乞表

遺表

乞致仕表

蘇子由

七十致仕國有舊章再三上聞情非虛飾中謝伏念臣早  
塵顯仕才本空疎晚依至道心存止足年方未及亟請閑  
官老即當休即求謝事陛下矜憐耆舊特屈典常許帶  
使名坐臨仙館臣眷戀德澤難於固辭勉強衰遲領此深  
眷空糜厚祿已復三年仰愧朝廷俯慚朋友敢緣禮律之  
舊力丐筋骸之餘蓋陛下欲優容老臣而臣之蒙賜已  
久臣將畏避滿溢而陛下之流澤愈多誠恐一朝溝壑

之虞遂有終身負乘之恥逮此未耄得以自陳伏惟 皇  
帝陛下成物如天愛人以德君臣之際非獨以爵祿養  
為恩進退之間固將以名節始終為意誠使臣得退伏閭  
里歌詠聖時行葦無牛羊之憂蒲柳免風霜之患則私心  
自得國體兼存區區悃誠實冀得請

乞致仕表

老而求退豈以為名病而得閑本其至願飛章自乞誠意  
未孚特蒙賜書勉以就職中謝臣聞引年去位事君之舊  
章懷祿忘歸人臣之深戒自惜不得謝者在禮雖或許之  
然皆廟堂注意之臣疆場折衝之任邦家倚以為重神人

賴以為安留之者既自有詞居之者誠亦無愧是以禮存  
權制人絕間言未聞退處閑官坐糜厚祿竊此異數晏然  
偷安伏念臣早事三朝晚遭興運首被揀擇與聞幾微貪  
戀聖明豈有窮已徒以寵祿盈滿懼速顛隳筋力衰疲理  
難勉強幸緣舊典敢固自陳伏惟 皇帝陛下量極乾坤  
德隆父母因至誠之勤請杜無名之誤思念臣平生粗守  
廉隅耻於僥倖使臣今日得安分限即是恩私區區寸誠  
得請乃已

乞致仕表

誠發於中一言可信恩加望外再請未從顧惟衰朽之年

久竊尊榮之寄雖蒙異眷敢以自安中謝臣聞事君之禮少壯不敢不勉行己之義老病不可不歸壯而不勉則失老而不歸則忘恥今臣心力衰退手足支離謝事之期已逾三歲訴天之請蓋又累年况復同列之間比多得請而去獨臣言辭淺陋未足以回天勢力孤單中無與焉地曷遂盤桓顧寵俯仰懷慙志不克伸沒有遺恨伏惟 皇帝陛下至誠樂善多士克生元首股肱自足名世奔走先後未嘗乏人豈臣去留足為輕重徒以遺簪可念遂忘朽弊之難堪老馬尚存不知馳驅之不逮致之顛覆之地恐非愛惜之宜故寵臣以尊名不若使臣得全廉恥之為貴厚臣以厚祿不若使臣得守分限之為安凡厥保全之餘斯皆聖明之賜力陳危懇尚冀必從

乞致仕表

歐陽永陽

再貢封章乞從致仕伏奉詔書宜不允者竊稽晉典禮退止一辭上黷睿慈臣今三請雖未忍弃捐之意曲煩再諭以丁寧而不勝迫切之誠尚冀終蒙於開可中謝伏念臣稟生至陋力學不強徒以略誦仁義之言粗知廉恥之節早緣一藝擢自諸生智非先見之明材無適用之敏但知報國不敢謀身惟枉尋直尺之不為故圓鑿方柄而難合以至被侵凌於羣小遭詆毀之百端而臣忍辱強顏踰時歷

歲蓋思責任之方重顧於去就而難輕今者幸蒙寬恩獲保孤拙脫於死地優以便藩既無功於勤勞徒坐尸於寵祿加以艱危備歷憂患尤多老將疾以偕來形與神而盡瘁昔而少健黔驢之伎已殫今也病衰駑馬之力難強始露肺肝之懇乞收骸骨而歸迹臣前後之心可見遲徊之久不敢為於妄舉蓋幸冀於必從伏望 皇帝陛下推天地之仁垂日月之照察臣既非狷憤以肆一朝之忿又匪矯激而希高世之名本由多難之餘誠以不能而止矜其朽憊賜以哀憐許上印章退居田里使病瘳擁腫盡爾天年斥鷃逍遙遂其物性幸克成於素志惟仰賴於鴻私

乞致仕表

上恩曲諭已至矣而丁寧下愚弗移但頑然而迷復論罪合當於誅戮原情尚冀於矜從中謝伏念臣以空言少實之文守泥古不通之學遭逢亨會玷竊寵靈祿利已豐乃辭陳力恩私未報輒欲便身推是以言因難逃責若乃艱危險隘僅存將盡之餘齡沮辱摧傷無復平生之壯氣加以形骸衰頹疾病侵凌顧雖戀於軒裳遂退甘於畎畝語其此志又若可哀自申五請之勤已涉三時之頃天慈惻隱聖度優容謂駑馬雖疲顧伏轅之已久而遺替至賤念舊物而不忘臣當上體至仁勉安厥位而夏秋交際痾疹



日增弱胫零丁惟存骨立昏瞳眊督常若冥行未知痊損  
之期終當廢去而苟遂退休之懇尚竊表名是敢更殫悃  
幅之私冀動高明之聽伏望 皇帝陛下推乾坤覆載之  
施廣日月照臨之光少寬屢黷之刑俯徇至誠之德庶使  
戒滿盈而歸正免災疾以全生老安治世之和永荷終身  
之賜

乞致仕表

歐陽永叔

恩深煦壻憾極涕洟雖情有迫於危心不知自止而辭已  
窮於累牘幾至無言惟以至誠期於必達自乞憐於君父  
不復信於蒼龜中謝伏念臣家世單平性姿中下少從宦

學本免饑寒不自意於遭逢遂進階於華顯然而羣材方  
茂蒲柳未秋而早衰衆駿並馳駑駘中道而先乏而况荷  
難勝之任用竊踰分之寵榮風波憂畏而慮已深疾病侵  
凌而老亦至故辭於機政即願謝於軒裳蒙上聖之至仁  
念三朝之舊物每曲煩於訓諭久未忍於弃捐竊惟臣之  
事君必本忠信言不顧行是為罔欺而臣口日誦於田間  
身坐貪於祿利可畏至公之議何施有覩之顏每自省循  
莫遑啓處是敢罔避再三之煩瀆猶希萬一之矜從伏望  
皇帝陛下特軫天慈俯回睿聽察前言之可復蓋屢請者  
有年哀下愚之不移俾卒成於素志徇其素志乞以殘骸

臣若得上還甲綬於有司自駕柴車而就路晚節知無於  
大過沒身永荷於鴻私

乞致仕表

晁之道

負罪竊食深愧大恩緣衰乞骸仰干洪造願天瀝懇跼地  
汗頃臣中謝伏念臣拙疎無他孤陋自守賴先臣之緒業  
荷累聖之寵知誤國使令甘心殞越咎已深而猶貸斥不  
遠而遽歸仍玷宮祠薦還官秩省忿悉踰於志願墮身莫  
報於生成冀緣愛物之心遂露挂冠之請敢自忘於罪戾  
實終持於恩憐伏望 皇帝陛下憫惻矧殘照知惆悵及  
未填於溝壑俾獲返於丘園死節捐軀悵慙素志酣歌擊

壤欣餞華顛乞特許臣守本官致仕

乞致仕表

晁之道

仕當知止賢哲之所共繇恩有匪頒古今以為至寵敢援  
福典盡布懇誠中謝伏念臣遭世盛明脫身寵陋服勞四  
紀受寵五朝任每過而食浮志雖動而効寡久玷遺老積  
慙誤恩故自累歲以來頻露引年之請至親灑於宸翰示  
曲加於養慈謂雖粉骨以莫酬夫豈乞骸之可必仰貪聖  
世又閱暮年愈差克壯之猷空忝居留之任矧已憊於旅  
力猶分秉於節旄揆非所宜去乃為稱伏望 皇帝陛下  
載矜遲暮遂俾退休既獲解組之私仍免誇朝之恥生無

後咎沒有餘榮終愧大恩不踐褻尸之志勉尋舊學尚追擊壤之歌

乞致仕表

忱辭已竭淵聽未回謂據經而可言敢呼天而力請自忘進越蓋特哀矜中謝伏念臣器淺才疎力衰齒豁階嘗陞於一品報卒乏於萬分載典鑰於北門就秉旌於南土但經歲月終愧寵靈雖天地至恩未忍損弃而桑榆莫景止合退休老益慕君病難報國惟有以時乞身而去庶幾不累知人之明矧疲繭之有加覺顛隳之必至冀能遠耻非欲近名伏望 皇帝陛下覆以慈仁愍其哀謝未及填於溝壑俾獲返於田廬餘生幾何皆上所賜固慙疎傳豈敢竊大夫之賢自北華封猶能祝聖人之壽

乞致仕表

趙承之

事君以忠豈致身之足吝不能者止懼陳力以難勝矧當覈實之朝敢廢省躬之義輒輸懇至仰控高明中謝伏念臣起自諸生素無它技荷累朝之眷遇歷數紀以馳驅先帝擢宇稠人待以國士陛下收之末路寘彼從官第勤夙夜之勞曾乏消塵之補鄉分符於嶺嶠實寄命於炎暉因冒瘴氛遂嬰首疾疹已滋於歲序事嘗簡於天聰自膺出戍之行屢屬沉痾之疾時中瞑眩詎保顛危雖勉強朝昏

僅未隳於職守而叨逾寵祿懼愈速於災殃敢援戒得之  
規用布乞身之請伏望 皇帝陛下天慈博愛聖度曲全  
憐其命分之奇窮迫以年齡之晚暮許上印綬聽歸里閭  
庶憑惟蓋之仁少暢桑榆之景鳴鍾戒旦勉貽誚於冥行  
故里言歸尚叨榮於畫錦

乞致仕表

劉 莘老

近上封章願還官政伏奉訓勅未賜允俞者忱辭冒貢蓋  
揣分以宜休溫詔發中尚推仁於不忍荷眷私之特厚嗟  
感涕以無從瀆罔避於再三情冀殫於萬一中謝伏念臣  
生惟孤介性實顛愚讀書妄意於功名委質幸逢於際會

誤被恩榮之若此所宜報稱以何如故奔走於四方未嘗  
避事雖典司於內史不敢辭難明主既亮其朴忠衆議頗  
推其強力况此邊隅之久晏偶當年穀之屢豐在人情宜  
可偷安於官事粗能塞責徒以年既老而將耄病得衰而  
更侵顧差劇以難常豈安全之可恃與其誤驅勞於緩急  
無所辭誅曷若保進退於初終自謀引去及未填溝壑之  
際願得賜骸骨而歸仰冀聖慈俯從人欲伏望 皇帝陛  
下曲矜舊物洞照丹誠憐其奉事頗勤幸無臯繇憫其筋  
力難強非有覬覦俾獲謝於盛時庶克全於晚節華山歸  
馬豈無戀於華軒靈沼游魚尚永依於至德

乞恩澤表

宋 子京

叨華禁從逢聖誕期輒丐餘榮更延賤息中謝伏念臣有男試將作監主簿定國久踰冠齒粗習儒猷向因臣兄以猶子之親得參士食逮臣蒙持橐之列已及蔭條顧緣試秩之初未齒為真之籍敢因盛節就冀成恩庶獎稚蒙益敦義教省身可勉收報為期

乞恩澤表

宋 子京

籍塵祕禁身託近藩大饗在辰職來預慶緣從官之舊比有任子之公條輒忍覲顏更申妄請竊以臣男彥國甫當蒙孺粗訓義方未專一業之勤遽覲千齡之盛不能自達庸丐賞延幸當朝霈之覃冀預士名之食儻榮于嗣獲寵而家願交勵於朴忠得參酬於覆育丹愚所願殞路無忘

乞異姓恩澤表

幸班禁近獲造光華凡再侍於明禋得推恩於異姓敢援新制以寵私閑伏念臣有舅進士朱某幼習藝文世承綏冕未預鄉華之薦久懷家食之慙以臣永嘆渭陽希榮母黨願筮仕塗之籍以光孝治之辰誓罄涓埃共期酬補

遺表

曾 子固

犬馬之質難駐於頽齡日月之光尚攀於愛景中謝伏念臣出於悴族進以諛材文詞講說制策之科衆稱華選儒

館掖垣絰帷之職世謂清塗獨徧竊於美名蓋親逢於亨  
運至於摠銓衡之要劇領京邑之浩煩蔑有勞能可論報  
稱冒寵靈而過厚致災疾以交攻迫霜露之所侵且將斯  
盡幸髮膚之無毀得以全歸方去闕庭長投泉壤輒陳遺  
志猶及能言伏願 皇帝陛下御六氣之和慎調興止享  
萬年之祚永庇華夷再念臣偷殘息之僅存覲餘恩之可  
丐敢祈仁眷終賜矜憐臣有男進士崑孫男某親堂弟茂  
共出寒鄉稍親薄技對菲不棄儻微祿之獲霑魚菽可供  
庶游魂之未餒伏望 聖慈並於文質內安排妥茲干澤  
愧在忘廉保存歿之孤蹤託始終之大賜生而無益曾莫

及於銜環死或有知猶庶幾於結草

遺表

蘇子由

衰病既侵大期將至顧視日景瞻戀聖時忍死一言瞑目  
無恨中謝伏念臣少年感槩有志功名晚節遭逢屢經驅  
策摠戎西北方朝廷盱食之秋為國威懷竊將即分憂之  
日誓將勉勵少荅恩私而施設未遑罪戾隨至荷聖神之  
普照曾竄逐之幾時安居里閭退迹漁釣誠心自信冀天  
日之尚回歲月潛移謂俯伏之可待而命之弗予冥不自  
知悅仰之間彌留已甚伏惟 皇帝陛下躬堯舜之明哲  
復漢唐之緒餘引領太平之功側身同德之士臣雖切見

其始而莫究其終興言及茲銜痛沒地然臣聞之惟至誠  
可以格物惟至仁可以安人刑非為治之先兵實不祥之  
器此皆 陛下聰明之自得老生平昔之常談將死之言  
庶幾於善苟有取於萬一則雖沒而猶生

遺表代

黃 魯直

依日月之末光未殫報國愒桑榆之晚景忽慟窮途輒輪  
將死之言儻動蓋高之德中謝伏念臣生長孤外遇逢聖  
明學淺而智卑才拙而用少先皇帝擢收流落湔祓塵泥  
擢登清禁之班許以經遠之器二聖臨御四門穆清無補  
消埃薦蒙轡策長地官術不足以富國丞相史志不足以

回天少寬素食之憂得備維藩之寄重分虎節出拊方州  
雖受命即行驅馳夙駕而短生無祿殞越路隅猶結戀於  
清時敢獻忠於未瞑伏願 皇帝陛下尊事耆老延登俊  
良緝熙六藝之光明靈承七廟之謨烈盡子道以法舜之  
孝師天常以體堯之文國家膺無疆之休徵臣釋沒齒之  
憾

遺表

汪 彥章

死生猶夜旦之常理之必至犬馬受蓋帷之賜恩則長辭  
假續息之須臾貢芻言於咫尺臣中謝伏念臣起家一介  
委質五朝道君擢貳機衡去國坐逾於一紀淵聖收還廊

廟冒恩僅及於半年由經世之才踈故在廷之日鮮昨屬  
裔夷之謀夏適當公輔之無人誤辱延登俾圖康濟運籌  
決勝安知先物之機履餗興災果致妨賢之咎會真人之  
起鄙陪多士以興周纔望清光即膺煩使冀桑榆之晚景  
輸塵露之微勞而臣力與願違衰將疾至不圖交印之始  
已困負薪之憂今則脉遽瀋沉氣將漸盡莫扈征遼之役  
徒懷城郢之忠伏望 皇帝陛下據舊鑒新宅中圖大克  
勤克儉用祖宗可久之規作福作威合中外至公之論練  
蒐卒乘褒禮忠良上以迎二聖之還下以正四夷之守臣  
報恩已矣戀闕潛然走仲達於渭濱雖非所及亢杜回於

輔氏猶或可為

遺表

晁本之道

數必有盡又安足悲忠則無窮敢不自力暫駐已頽之力  
勉陳將死之言中謝伏念臣奮起諸生遭遇熙旦備陳委  
使進服清華迭分摠於師干屢往城於境土綿薄雖慚於  
報効聖明獨亮其朴忠心隨力殫老將疾至冀因閑局漸  
息沉痾旋被眷私特加命召即欲扶持朽質瞻望威顏而  
臣寵祿滿盈災疾崇降浸趨危殆已極膏育存愧深恩沒  
懷餘恨猶貪戀於聖世願傾竭於愚誠伏望 皇帝陛下  
益廣舜聰祗循堯道日勤庶政以圖治時忘萬事而嗇神



永俾黎元均蒙福祉臣今指期待化假息陳辭即萬鬼以  
為隣籲九天而永訣長負累尸之志徒傾結草之心

遺表

死生大矣方乘化以長辭君親臨之尚呼天而永訣力駐  
已頽之景勉陳將死之言中謝伏念臣學不通方才非適  
用荷累聖之春獎躡處高華迹一門之寵光最為遭遇伏  
蒙 皇帝陛下念神考誤知之遺意記先臣盡節之往勤  
起先時髦陪預初政力雖殫於駑蹇愚自抵於譴訶迄蒙  
貸物之慈獲遂首丘之志寵臨既溢災疾薦臻顧未酬於  
丘山猶有冀於藥石而逝波不返知難戀於明時餘息近

存願少輸於危懼伏望 皇帝陛下益觀成憲永御泰和  
畢來萬國之懽心並受三靈之繁祉每念功於先世因知  
知惠於曩愆臣負釁沒身感恩入地生固無益志已愧於  
捐軀死如有知忠尚圖於結草

遺表

代劉寶學

胡明仲

臣某言生也有涯孰逃定數死而不朽難跂前修獨餘年  
盡之忠仰籲蓋高之聽中謝伏念臣蚤憑世賞浸歷仕途  
作屬外臺入丞卿寺偶鎮府上扞城之代於機司叨中祕  
之嚴繼竊使華俄丁家難值神武中興於丕祚而師干初  
試於邊庭世歷艱虞家傳忠義妄意功名之際會不虞材

略之卑凡祗赴詔音亟聞除命坐談將幕曾無虎豹之韜  
攝事帥藩寧有鶴鵠之陣盡瘁謬輪於筋力論功蔑著於  
毫毛投竄是宜甄收未替出駕輶車而撫士歸分符竹以  
臨民尋從祠館之便安擢付江壖之要重疏榮渙汗還綴  
甘泉而臣識昧遠猷器慙大受與時寡偶造事多窮推擠  
頻噴於煩言保庇盡歸於金度雖幸家庭之逸敢忘軒陛  
之思尚冀駕銘或堪策礪詎知蒲柳頓迫風霜顧靈劑以  
何施悲逝川而莫返將捐朽質勉貢善言伏望 皇帝並  
日照臨侔天覆燾持守盈成之治柔能遠邇之情燮太和  
於穆清措羣品於熙晏大觀在上永隆不拔之基與物為  
春坐享無疆之歷臣委身厚夜絕望穹宸拖司寇之伸不  
能下拜寢大夫之簣獲以正終

遺表

張安國

數莫逃於生死竟欲何言恩未報於君親沒有餘責忍須  
臾之殘息聲激切之遺哀目斷而竟且將離泣盡而血無  
以斷臣 中謝 伏念臣奮身孤外逢世休明蚤竊讀於父書  
妄學干於君祿命鄉論秀不自意於先登射策決科乃首  
蒙於親擢遭時宰之冒疾逮臣父以排擠保全皆太上之  
恩簡拔出諸臣之右惟時英俊尚或沉於下僚顧非賢能  
獨不待於次舉初典校於中祕俄寓直於西清胃魯魚交

豕之未分何草創潤色之能稱在廷之日雖鮮許國之心  
則堅多收箕斗之虛名寢誤冕旒之隆眷一麾出守敢言  
宣力於藩條三折知醫因頗究心於民瘼纔十更於歲律  
九六易於守符近由江浙之間遠若湖湘之外南薄桂海  
北臨荊州聞寄匪輕轍環幾徧雖無問馬及羊之智鈞致  
名聲而有帶牛佩犢之風粗宣條教方當 陛下大有為  
之日安有人臣不能成之功實欲許以驅馳庶少裨於經  
理不然退安於田野猶將終養於庭闈竟嗟忠孝之難全  
竊悼身名之俱隕由材踈意廣福過災生未容解免於人  
非固已難逃於鬼責視景曾桑榆之未遇望秋猶蒲柳之

先零僅諧啜菽之歡乃困負薪之疾既危懼之已甚猶洞  
以無時氣屬續以少延手封章以冒貢伏望 皇帝陛  
下祇循堯道益廣舜聰務得賢以立太平之基因毆民而  
躋仁壽之域更徐審於上策以無忘於中原思祖宗如在  
之靈永社稷無疆之福臣今齋志以已沒忍銜恨而不言  
更餘結草之忠誓圖報効無復採蘭之養終冀哀矜

遺表

張安國

大化不留已悟有生之幻鴻恩未報敢忘忍死之言輒申  
犬馬之情仰瀆高明之聽伏念臣早從踈陋出際休明被  
遇三朝服勞二紀但知守古人難行之學不能為世俗適

用之文才既乏於寸長道寔恐於遠泥然叨塵法從謬掌  
宸綸屢易郡符久閑祠籥顧便安而竊祿宜盈滿以興災  
果膺疾於瘡瘍莫違安於藥石日暮途遠難駐景於須臾  
事與願違冀陳忱於毫髮爰慕史魚之諫仍希魏證之忠  
隕淚無從籲天有請伏願 皇帝聰明勿蔽知勇必行進  
君子而退小人寬民力而節邦用紹復祖宗之法度整頓  
乾坤之紀綱故使海內傾心上天悔禍叛臣假息行卷土  
以來歸逆虜遊魂即傲戈而遠遁迺二聖重歡之日還九  
州共貫之風遂同光武之中興不比晉元之南渡臣獲死  
牖下長謝人間舐犢之悲惟忠孝必先於愛子結草之報  
雖草壤不敢以忘君臣無任





2